

涿州風土記

歙朱穎署檢

明以來列女上

溪州風土記第二十中

舊志所載列女大率貞烈一流乾隆州志別出賢孝一門茲分爲上下兩卷以賢孝入上卷有因夫及子而見紀述者併入焉其貞烈歸之下卷

浙江紹台道吳廷簡母 廷簡先世徽州歙縣人父始客

溪州廷簡摠角受學於嫡母

舊志失其母之姓氏

廩生張定相母馮氏 定相母病危定相割股以進旋愈見舊志定相傳

時見新妻李氏 見新鬻子女以養繼母妻李氏無難色舉人祀忠烈祠呂叔成妻賈氏 叔成子呂燦字闇公年

十三母賈氏卒號泣不食見舊志燦傳

楊靖國繼妻史氏 史逐前妻子楊蘭蘭後孝養史史感悅安其養以天年終見舊志楊蘭傳

歲貢生戴焜母高氏 貢生高薦女幼時父授以女誡及孝經四子書能通大義後事舅姑以孝聞姑病焚香夜禱香燼乃起月餘家人始覺媼張氏感動遂與偕禱如是三年姑病卒愈焜事母孝執喪不食肉飲酒三年

歲貢生劉淑茂繼妻李氏 淑茂五世同居一門四十餘人各有生業人無私藏主內政者淑茂繼妻李氏慈惠儉勤持家均平家眾悅服無閒言

律正音繼妻賀氏 賀氏十七而嫁以孝敬聞愛前子如己子舅病割股以進舅尋愈事聞有司表其門後子孫曾玄逾百人男婦皆壽八十餘人以爲善氣所感

李魁秀妻閻氏 魁秀駭愚父母議停昏閻曰不慧便改昏兒不慧當如何父母悅從之後克盡婦職事寡姑以孝聞持家有法墜業復興姻族嘉歎

貢生李如璜妻劉氏 劉氏濟南推官李振春之冢婦不妒以逮下如璜卒家難作劉從容消弭家政井然沒後宗親言輒涕下

謝鉉妻劉氏 劉氏劉仲表之女鉉幼兩目失明劉執婦

禮始終無纖芥之嫌人以爲難

貢生茹兆元妻譚明

明字婉儀衡州太守譚弘憲女幼

嫻內則博通經史歸郡博茹鄂侯子貢生兆元惠以逮下
有七男庶出者四人同仁均養著有綠牕閒詠綠牕青史
二集藏於家其詠凌消渡詩云冰合乘危渡凌消古岸長
天心歸赤帝人語濟真王薊北終戡定淮南首贊襄廢興
無限事臨水重悲涼其詠蕪婁亭詩云河北從龍日艱危
共濟秋倉皇將豆粥厚意冠羣侯漢寢終荒草婁亭尙古
邱功成心不競大樹憶風流其詠光武廟詩云中興炎漢
業廟覓傍滹沱丹碧雄圖在松杉野客過龍飛拓祖武燕

翼定天戈絳幘思遺像蕭條意若何三詩皆見舊志菽文
中

廩生茹重德妻趙氏 趙氏宦族父國璧廩生十六歸茹
門嫻書史工繪事姑譚婉儀能詩趙亦閒與唱和生子梅
周歲重德病卒鞠幼子奉衰姑心力交瘁嘗寫舅姑遺像
每食必薦如事生自二十八守志至八十三而終子梅無
外傅趙教之成名諸生乾隆十四年旌表

楊孝妻張氏 張氏孝於二姓姑病割股療愈之後聞母
病請於姑歸寧侍疾姑許之侍母麻寒暑母卒歸事姑至
老

劉大貴妻趙氏 大貴貧趙念無以奉舅割股肉以進竟無恙

遷安訓導王正宗妻何氏 何孝事舅姑姑病扶持備至祝天願代姑沒鹽醯不入口者三載後事繼姑益謹姑年九十有三何亦六十七矣左右扶掖不以諉之卑幼正宗以孝義受旌建坊何有助焉子庾諸生亦以孝義聞

李鏐繼妻賈氏 賈氏孝行素著撫前室子鴻文如己子鏐兄鍵有孫爲繼祖母所逐賈收養之以奉鍵祀族人重其義鴻文廩生賈二子澄文監生洸文武生員

時又有李賈氏年十五嫁生男女五人夫故翁姑老疾侍

湯藥不解帶者歷寒暑翁姑歿哭幾喪明水漿不入口者數日後年七十孫曾林立猶持家政如少壯時時人稱其貞壽舊志失其夫名

賈謙妻田氏 田氏孝事舅姑謙有叔貧老從弟貧瞽田迎養之終其身又從弟璽及姻楊氏子皆幼失所依田經紀之後孫曾三世皆共居

諸生趙夢龍妻田氏 夢龍出嗣其伯父田以孝睦其家撫庶子如所生人稱賢婦

大城訓導張世瑞妻張氏 世瑞母眇而跛張終身扶侍母病革對其親串言願孝婦子孫長如婦孝也世瑞司訓

大城張猶紡績不輟教子婦儉勤姻族奉爲內則

戴奇遇繼妻何氏 前室遺二女何撫愛之長女壻家貧
迎養之壻死育外孫爲娶婦長女守節至六十得完其操
隣王氏孤兒爲兄嫂所苦何收養之何年九十子孫林立
宗親奉爲女師

張可選妻馮氏 可選家貧祖母趙氏母任氏皆老馮自
食糠粃以甘旨奉重幃嘗誡兒女曰吾與汝暫忍飢餒尙
冀後福祖母老矣將何及邪後趙壽九十四任亦七十以
天年終子英發乾隆十五年舉人女亦通孝經論語女誠
諸書皆稟母訓

李文燦母嚴氏 文燦母嚴氏養楊氏女爲己女文燦視之如同胞見舊志文燦傳

郭德符妻孟氏繼妻陳氏馬氏 德符出嗣本宗郭世爵爲子娶婦孟氏夫婦孝養世爵老病痿夫妻扶侍父憫子婦勞諭遣之不去孟氏歿繼娶陳氏再娶馬氏德符率以事親更三妻如一

孟文第妻單氏 文第教養從子麟成武進士官遊擊馳贈文第懷遠將軍妻單氏爲淑人

霍存机繼母張氏 存机事繼母張氏一如所生見舊志

房山縣教諭趙克中妻李氏 四川重慶府經厯趙廷玠

妻張氏 陝西褒城縣黃冠嶺巡檢趙德俶妻賈氏繼妻

孔氏

此趙盛奎之曾祖祖考三世先妣皆誥贈夫人見何濼漢刑部右侍郎趙公墓誌

漕標左營遊擊田三省妻陳氏繼室王氏 陳無子爲夫

選側室得王及疾篤語夫曰吾病必不起謀繼室無如王

賢請及吾之生也定位焉時王已舉四子事嫡唯謹以故

無苛妒嫌自筦鑰燁潘清頰無大小罔敢不蠲門內闐無

人聲而賓膳豐潔年七十四見惠州知府李棠田公墓誌

灌陽知縣田三才妻張氏 子西固同知田自修初聘張

氏繼妻張氏韓氏見劉自潔灌陽知縣田公墓誌三才妻

教諭武強張蓋女

施南知府田三樂繼妻趙氏 房山教諭克中之女事兩世孀姑以孝聞三樂爲荆門知州將携家之任趙曰田園根本願與兒子留守後子自強卒三樂遷施南知府趙携子婦之任三樂旋卒官扶喪歸雖貧時時周濟姻族編修王爾烈爲之墓誌

刑部右侍郎趙盛奎妻賈氏繼妻范氏 見何凌漢趙公墓誌三子家廉道光十七年拔貢河南知縣家熙家顛山東濤雜場大使張蕙妻趙氏 盛奎妹見趙公墓誌

王氏僕婦王趙氏 趙氏夫亾家貧爲吳家莊王氏保母

氏聞變登樓閉門賊執大由脅以刃使呼樓門門開而大由已死李謂賊曰汝仇已報今遺者衣物耳請代裝束以贖死賊信之李率婢秋兒運衣物堆積之出賊不意舉火起賊倉卒被焚者數人秋兒持磚擊賊死餘賊殺之李墜樓死

拔貢生韓文炳妻馬氏 文炳早世馬氏教子嚴子宜象曲體之人以孝稱後三子皆成立

贈中憲大夫張鎮妻羅氏 羅氏兩科武舉人佩衮之女寧波知府張星耀之母封太恭人樂施予歲飢賑活餓人無算諸子星耀星法等皆官於朝康熙二十八年率諸子

余爾祖前妻也罄宜告其母母夢亦同乃迎楊柩與祖合葬

李蓬萊妻律氏 律氏母病割臂合藥以進母尋愈

王者貴妻韓氏 韓氏年十八夫亡貧窶自守祖姑患癰疽韓侍疾盡孝後事孀姑尤有名乾隆十八年知州尹侃表閭

李壽山妻魏氏 蠡縣魏炳女祖姑傅氏既寡禁子婦同

室子婦皆天壽山其孫也傅待魏如子婦壽山又死虐遇之魏奉傅唯謹傅卒感悟年九十且死嘆曰孝哉孫婦

以上
續編

張大由妻李氏 明季之亂仇家張大賢構賊屠其家李

日見善事我見舊志賀琇傳

李仁女 仁無子仁女以奉侍乏人願終父母天年然後嫁家有礲田五畝內操井臼外服耒耜以養親親沒時年已四十哀毀卒臨卒屬其族人葬父墓側

程懷晉女 懷晉卒女以兄癡不能事母遂不嫁養母終身

武生于昌口妻杜氏 杜氏割股療愈舅疾知縣旌之
增生郭子亮母郝氏 姑年八旬病痿痺郝奉侍無倦相服污穢必親盥濯冬夜不解衣卧者八年

千總張鳳儀妻孫氏 孫氏姑病焚香乞代割臂和羹以

捐穀二千石賑饑巡撫于襄勤公奏聞旌其里曰一門好善諸子皆孝星耀出守寧波時母適病將投牒乞養母尋差慰遣就道守寧波七載念母甚上書乞養寧波民數萬擁大府轅門願留太守活百姓大府順輿情慰留之遂卒於官病革以未及訣母爲憾星法罷御史歸朝夕奉母十二年後于公督河疏薦星法助治河以母老辭母敦促就道抵淮聞母病倉皇乞歸至泰安聞母訃驚慟幾絕未幾以毀卒星輝侍母病衣不解帶夜則焚香祈代旣居喪晝夜哀號三年泣不輟

歲貢生賀琇後母尹氏 尹氏性烈琇克婉順尹亦感動

二女及子桐樵汲紡績一身百役以待夫歸常與子女相抱持而哭桐長卒求得父迎歸與母聚處相繼壽終

蒼梧知縣孔興朝妻謝氏 興朝嘗司訓饒陽有遺愛願言必葬我饒陽謝氏成夫之志卜葬饒陽思吉村築室墓傍五子毓基毓晟毓堂毓堅毓麒次外室謝與子婦次內室三年知縣單作哲親至其墓致粟米

諸生許梅妻王氏 康熙二十四年歲饑出粟賑鄉里明年又饑梅且再出粟鄉里謝曰厚德未報不敢復相累梅患之婦王氏曰鄉里既爲此言若再給粟是市惠也不如各令書券歲登見還衆乃安於受耳梅從之已而悉焚其

進姑食甘之病尋愈

以上武強

諸生許春元繼妻劉氏 春元初娶李癱瘓因復聘劉劉嫁後父母知春元有前室欲奪歸不與劉時十四告母家曰我已入許氏門歸將焉往遂止卒以孝敬持其家崇禎十四年饒陽修城劉勸春元出貲助役及康文斗作亂諭子諸生安國定國僇力禦賊其深明大義多此類

諸生靳菜妻魏氏繼妻郭氏 菜性至孝子德然亦有孝行康熙三十七年地震衆奔避德然母魏氏卧病德然號泣守之後事繼母郭氏尤竭誠無違志見舊志靳菜傳

李維周妻張氏 維周貧困遠客二十八年不歸張氏撫

君罷曹州歸課子孫學丙夜燈熒熒不息王孺人謂君曰
翁休矣老猶喋喋作學究邪

許州知州張爾庚妻呂氏 刁包許州刺史張公墓誌配
呂氏以仁孝相夫子居家居官左右之力居多古稱貴而
能勤富而能儉孺人有焉年七十先是公在許州司李有
憾於諸生丁際明繫之獄數諷公欲假手公誓不殺人媚
人孺人復贊之曰此關君名節官若傳舍耳奚足愛公笑
曰吾男子見反出婦人下邪理其寃而釋之司李遂中傷
公公竟罷官

諸生吳恂妻王氏 富鴻業贈檢討吳公墓誌公携家及

券

以上饒湯

吳尙法妻李氏 李尉曹州吳公墓誌尙法生曹州君富鴻業贈內秘書院檢討吳公墓誌大母李宜人

曹州知州吳從誨妻王氏 曹州墓誌君配王太孺人同邑王公來召女也年十六歸君執婦道唯謹君與孺人侍二親皆以孝聞君久爲諸生苦貧孺人操作縫浣儉必中禮及倅懷慶守曹州昏嫁教育孺人不煩君內顧晚年施藥助族郇昏葬靡不周至先君十二年卒於順治戊子春秋七十子四長恂增廣生次愷次秀實次悟俱庠生孫六長本植恂出君八十時成進士授翰林院庶吉士者也初

之慟司成稍長時時撫之流涕曰當在涇州時卽欲相從
地下徒以有爾在於是母子相弔歔歔泣下或竟日不食
司成忍涕長跪膝前間輟泣爲一舉箸司成登進士由翰
林選佐成均封母太孺人年躋大耋子孫上壽進禴翟冠
帔太孺人悲不自勝曰吾三十年沈痛在心至今夢寐猶
慄慄涇州也未幾遘疾卒年七十四

廬江知縣崔冕妻韓氏 竇克勤內閣中書舍人崔公墓
誌父冕廬江令公遭廬江公及韓太孺人之喪啜粥飲水
自始殯麻禫除肉食未嘗入口未嘗一入私室與宴會其
冠履葬祭之儀一以考亭家禮爲準

從子長蔚授經深州州城被圍公愀然曰吾弟以弱子託我義不可負生死以之及城破公盡節深州學宮是時孺人舉司成篤生才四齡倉卒攜司成與一女及長蔚出走度不能俱全記公遺言因弃女負長蔚及司成以匿遂免孺人爲同邑王公四賢女生七歲父母偕喪依叔母以居端和淑令事叔母猶母年十六歸贈公時大母李太宜人在堂孺人孝事重慶久之李太宜人病篤晝夜扶持不離左右及逝廢匕箸累日曹州公之官不以家自隨孺人奉姑王宜人於家色養備至曹州公捐館孺人年已望七猶持服朝夕臨不少懈所遺產盡推與諸叔孺人恒抱深州

鄉飲賓崔甲鏗妻劉氏 李塉鄉飲賓崔先生墓誌先生
率內子孝事父仲藏公內子同邑劉思明女仲藏公飲食
必自劉手他人代之仲藏公不甘也母蘇得沈痾君晝夜
侍湯液抑搔十餘年繼母宋病利三載厠踰裙衣汗穢必
劉親滌仲藏公病彌留曰吾舊家也厠傳有銅鳴蟬銅鎖
瑪瑙枕賚劉新婦酬其孝劉卒時年八十二子四人

崇信教諭武應元妻翟氏 李天馥鹽城知縣武君墓誌
公父應元由明經起家爲大名訓導厠陝西崇信教諭攝
邑篆捐館公方四齡家苦貧歲飢母翟太君採木皮草根
啖公公必跪進太君然後食

崔昂妻蘇氏繼妻宋氏 李埭鄉飲賓崔先生墓誌父仲
藏公母蘇繼母宋

內閣中書舍人崔甲默妻段氏再繼皆馮氏 見寶克勤
崔舍人墓誌

諸生崔甲釗妻張氏妾李氏 李埭崔亮遠墓誌先生沈
潛鑿學嘗診一滿洲大人病女使奉茶先生異而問之曰
江南王巡撫之子婦也索其進不遂取而奴役之先生告
其人曰若遣此婦公痾當立愈從之其婦南還迂道安平
持金來謝先生配張孺人曰主君未歸然必不市德取利
也卻之子六人塏埏塏張孺人出塏塏塏副室李孺人出

工詩靜好尤篤其亾也里人徒步至山左丐諸城李宮諭
渭清誌其墓

諸生吳震妻武氏 震父玠令昌樂代民輸逋賦及鹽課
將售產以濟玠繼妻不肯震既盡出私產震妻鹽城令武
韓女亦盡出初嫁時所得母家資送妝田售之代舅完夙
逋邑人稱其孝

諸生李用中繼妻牛氏 用中病革命子喬兄弟分產喬
悉推產與弟母牛以喬適長餘子皆已出持不可後喬卒讓
諸弟弟裁又以喬所讓產還與喬子志燧

阜城訓導李長滋妻張氏 李塏李君墓表君配張孺人

鹽城知縣武韓妻葛氏繼妻門氏 武君墓誌公性至孝
自以少孤抱痛衣冠未嘗純綵翟太君在堂未嘗一日遠
遊太君病則手調藥餌與配門孺人焚香告天願減已算
以代門孺人者同邑工部諱洞開之孫女工部卽前明熹
宗時以博士抗疏糾魏璫聲振東林曰啓鑰先生者也孺
人事翟太君曲盡色養屢生子不育以宗祧爲念爲公數
置側室相好無閒言士大夫閨閣之所難者年四十五卒
公元配葛孺人門孺人繼室也

河南唐縣知縣吳珊妻崔氏繼妻王氏 吳里人事略珊
字里人篤生學士子配崔孺人繼王孺人里人工詩崔亦

歸可子訟言患羊角風可子以禮去惡疾出之返母家數
年瘡而可子已再娶或勸岳改嫁不應聞以箴綫編縫裱
衣及履投井死母家葬之屯東北可子好學從習齋顏先
生遊因識予爲予言岳之節謀鼓吹往祭且曰吾再娶已
生四子肄簡肄箴諸生肄篋肄節吾命諸子清明十月朔
必往祭岳墓欲遷祔先塋禮無其文卽其墓立碣志之可
乎予曰可今歲辛丑予歸自金陵則可子已卒走弔其四
子環而泣曰先子求先生文表節母不果彌留猶以手指
心也乃爲銘曰井清淪窳幽黜節則父情則母繫謂天之
紉而人之信萬禩眎茲文

劉冲善妻馬氏 李塉劉君墓表配馬氏與君毗德後君二十年卒臨卒呼子琬戒之曰汝父嘗欲建祠堂及墓碑汝一日不建汝父九原中一日不寧我積金若干非爲兒女計以與汝竣汝父事馬享年七十九琬諸生後竟卒父志

諸生劉琬妻高氏繼妻趙氏李氏深州趙氏尙氏 見李塉劉來獻墓誌來獻琬字也

諸生劉廷傑妻王氏 廷傑琬子王氏同邑舉人王磊女見劉來獻墓誌

諸生可默妻岳氏 李塉岳氏墓碣岳氏安平王官屯人

人柔慈明敏助君事蓄無闕禮君沒後宵小伺隙孺人撫
孤支拄獨任艱危卒賴以濟賢聲溢鄉里

以上
安平

靳夢清女 夢清唐貝人女及笄父爲選壻女曰父衰老
兒無兄弟今嫁誰養父者父曉以義不聽卒養父送終不
嫁年七十知縣表門

鄉飲賓弓恒矢妻崔氏 趙瑞鴻弓靖葦阡表公諱恒矢
娶崔孺人康熙壬戌進士內閣中書諱甲默之女後公十
餘年卒於乾隆庚午享年八十有一男二人

候選州同弓允升妻王氏繼妻李氏王氏 王家瑞候選
教諭弓君墓銘候選州同諱允升字登庸者公之考也妣
王氏李氏王氏皆封安人

候選教諭弓省度妻賀氏 教諭弓君墓銘配東鹿賀孺

祭有祭田後田侵失知州余一鵬復之見名宦事中是後
終明之世以烈著者五人馬莊妻高氏永樂中莊從役衛
河溺水死船中人寄莊衣履還高痛夫尸不得卽日自經
而霍恩妻劉氏事尤偉進士霍恩妻劉氏者憲副劉俊女
也恩易州人爲上蔡知縣正德六年劉六劉七等爲亂攻
掠郡縣恩浚濠修城戒期死守與劉訣劉泣曰脫不幸妾
當同死恩曰起臺後園汝登望兵潰卽吾死處城陷恩被
執不屈死劉登臺見兵潰卽下自縊不死持簪刺心自力
抵簪簪深入乃死河南巡撫以事聞贈恩光祿少卿賜祭
葬立祠劉贈宜人長子汝愚世襲茂山衛指揮次子汝曾

明以來列女下

涇州風土記第二十下

明初烈婦見明一統志者三人兵科給事中周傑妻崔氏
洪武間傑以孝廉任給事中卒官崔年二十一扶喪歸葬
告所親曰夫婦義當同穴今夫死無子吾無生理遂自經
死合葬吉安衛總旗李茂妻高氏夫墮馬卧病侍事唯謹
夫亾罄家財治喪別構一棺置尸側家人不知其意至夜
沐浴自經斂尸側之棺合葬洪武十八年旌門曰貞烈傅
型嘉妻岳氏父曰岳與型嘉疾革謂岳曰若年少善事後
夫岳泣誓同死型嘉卒憑尸號哭自經死合葬時年十八
洪武十九年旌門曰貞烈起饗堂樹坊立石有司歲時致

餘年兵變死劉一忠妻謝氏城破被執不屈強縛之上馬
至城外堤下遇害後二十日樵者得其尸面如生平諸生
陳素蘊妻馬氏與三子同時遇害諸生馮雲會妻張氏城
垂破先投繯死張可法妻郭氏二十三歲城垂破先投水
死監生李抱陽妻蘇氏不受辱死諸生李載陽女嫁張氏
遇兵於路不受辱磔死李元善妻劉氏不受辱死崇信縣
典史馮汝成妻高氏被執不受辱死子雲會後爲婺源巡
檢諸生趙應祖妾王氏有女嫁張氏歸寧遇變母女被執
縛之上馬皆自投地下再縛再投如是者數四兵怒以刃
剖女腹五藏流出欲以脅母母罵益厲又以刃剖母腹如

入監讀書李夢陽爲之傳諸生賈守智妻高氏夫病痿高親負之出入凡三年無怨色夫亾高持所蓄錢與姑曰郎所蓄遺言上大人又持少錢與母曰母止一女無以報德一夕易衣以線縫其襟縊死柩側合葬又有李棟妻周氏年二十魏一成妻杜氏年十九皆自經殉夫詔皆表門其遇兵亂不屈執節死者凡二十人明季崇禎十一年大清兵至溪州十六年再至而十一年死者尤多劉之俊妻王氏聞之俊遇害抱幼子溯泗寘祖姑趙氏懷閉門自縊諸生趙篤妻張氏城破夫遇害號泣罵兵被殺死諸生趙應清妻張氏夫遇害殉死諸生李之貞妻韓氏守節三十

不屈死孫見向煦死亦引頸受及釋不殺孫知其逼已也大罵激怒鋸解以死亦十六年事

明代節婦一門雙節者六人李東妻張氏子婦韓氏康邦宏妻張氏子婦小張氏諸生李常泰母王氏庶母孫氏李東妻張氏戶部郎中文弼之姊幼通孝經論語列女傳嫁三年年二十一夫亾撫子光裕守節四十餘年光裕娶婦韓氏韓年二十光裕病且死執韓手曰善事吾母韓卒孝事姑不負夫願託萬厯三年詔立雙節坊康邦鴻妻張氏年二十四夫亾子九經娶婦小張氏生子文粹又寡婦姑共命亦以雙節旌門李常泰母王氏二十一歲夫亾守節

女當時殉節之烈無如王氏母女者其時又有李元善妻
劉氏張君妻李氏亦遇賊不屈死此十六人皆殉十一年
之難及十六年則死者五人參議趙喬年妾毛氏守節二
十餘年兵至被執不屈死子應珠以武進士官羅源都司
者也諸生謝貞儒繼室于氏教授于公女有賢操夫死病
子死兵城破殉節死馮昌期妻李氏城破被執紿言汲水
投井死昌期感其節鰥居終身巡檢馮雲會者崇信典史
馮汝成子也弟雲起崇禎十一年母高氏殉節及十六年
兵再至雲會妻王雲起妻陳亦均被執不屈姒娣聯袂投
河死又有遼州訓導李向煦妾孫氏者遼州破向煦被執

遼妻王氏嘉靖間旌諸生田宗周妻張氏年十九守節嘉
靖二十五年旌錦衣衛將軍程天士妻王氏生子名卿而
夫亾教之成名選貢生張弘初妻楊氏年二十二夫亾守
節五十年李應奇妻宋氏年二十夫亾守節四十年程法
妻張氏年二十一守節張舉妻陳氏年少守節皆旌門康
熙舊志著錄者八人王邦彥妻馬氏李恒妻張氏徐鑄妻
郭氏李珮妻徐氏陳嘉猷妻高氏田敏行妻陳氏蔡冠妻
李氏劉天箕妻程氏

入 國朝以來見於 大清一統志者六人陳國增妻張
氏生一男一女國增疾革謂張氏曰今我已矣奈若何張

四十餘年其庶母孫氏與嫡同守亦旌門其有賢子者二人諸生張琦妻楊氏年十九夫亾守節五十餘年子文淵
舍山知縣正德二年旌門諸生王三令妻馬氏夫亾月餘
生遺腹子孝事舅姑皆享耄年遺腹子心淵萬曆甲午舉
人隆慶六年旌門求死不得以節老者二人劉衍光妻杜
氏年十八夫亾求死家人防之不得死乃鑿壁爲龕納木
主其中朝夕奉祀卅年張弘巧妻李氏嫁三年夫亾絕粒
七日不死撫子奇蘊成名善事夫卒以節著者一人王振
綱妻常氏振綱愚常盡婦道年二十夫亾撫子鼎鉉成名
其事蹟不著者八人諸生劉伯麟妻張氏嘉靖七年旌張

旌祀節孝祠馮喜公妻李氏喜公守稼野宿鄰楊之義持
鋤排李闖而入李驚覺忿罵楊弃鋤遁李忿甚黎明投環
死事聞旌表右六人其三人夫皆殉戊寅之難戊寅遭禍
而寡統志所未錄尙有八人諸生韓陞妻楊氏戊寅年二
十二夫殉難守節三十餘年子景琦諸生孫日煥壬戌進
士日煜日炆庚午同榜舉人日熾諸生人以爲忠節之報
諸生劉可興妻史氏戊寅可興與長子熙昌殉難史事祖
姑教二幼子孝慈兼盡東鹿諸生吳瑄妻呂氏舉人逢揚
季女也嫁六年瑄卒事舅孝戊寅舅遇害喪葬盡禮又十
餘年以壽終毛文秀妻胡氏戊寅夫殉難胡事姑及祖姑

泣曰君但自愛妾不負君明日國增卒姑密防之至三日
給姑曰我憊甚欲少休母爲我護兒姑信之遂自縊死年
二十二李培陽妻高氏培陽戊寅殉難戊寅者崇禎十一
年也高時年二十九無子姑欲嫁之辭歸母家鬻嫁衣履
買田數畝疏食自給以終劉奇妻尹氏奇戊寅殉難尹年
二十一母家欲嫁之毀容剪髮誓死不從以節終諸生張
光紹妻魯氏戊寅之變攜一子一女匿窖中被獲不屈身
被九創死兵去久之復甦光紹殉難守節十餘年卒馮瀆
妻齊氏爲逆旅主人有負販魏某來舍瀆出與魏同寢魏
乘瀆熟寐潛入齊室齊驚覺大呼魏扼其喉以死事聞被

國朝旌節之典視前代尤渥有司採訪益多其事遇略同者各蒙旌表不能備列其遺蹟尤異者不可使無傳也今略記梗概俾母婦觀省諸生田而助妻謝氏事孀姑孝夫亾時子謙才數歲謝履艱撫教成名至諸孫皆登仕籍田氏舊有義塾中廢謝命子謙復之卒年八十五雍正六年旌門立坊入節孝祠謙四子其季曰三省父歿十日生則謙妻亦寡婦也謙孫貢生自強妻趙氏舅三樂爲施南知府自強夫婦將奉母之任未行而自強卒比殮趙持翦自刺其喉家人急救致傷左目姑慰曉之曰吾年衰子死依汝爲命忍舍我死耶遂不復言死脫簪珥納夫棺中以見

孝教子騰瑞成名諸生謝鉉妻李氏舉人鳴珮女也戊寅年二十六夫殉難守節六十餘年諸生張儒妻李氏戊寅夫殉難守節五十餘年趙震孫妻張氏嫁三年夫殉戊寅之難撫從子如蕙爲子教之成名守節二十餘年魯單穀妻田氏戊寅年二十三夫殉難守節六十餘年又未昏守貞者一人洪一綱聘妻黃氏歙縣人字一綱台州通判洪日章之長子弟曰一紀戊寅一綱與父及弟皆殉難黃時在歙聞變奔走三千里至夫家守志事寡姑姑病割股以進年五十八終縣府道有旌節碑好事者爲輯孤芳錄傳世

立嗣子子成立乃克營葬年八十餘卒諸生馬之驪妻韓氏侍姑病五月不解帶守節三十年乾隆元年旌表諸生种寅妻郭氏夫卒遺腹生子與孀姑相守康熙庚辰山東鹽徒爲亂執其姑哀懇代姑死賊義而釋之癸未歲饑鬻衣奩養姑自食糠粃乾隆六年年六十詔旌其里高金盛妻張氏姑有廢疾每晨起爲盥櫛親浣滌中冓廁牖夫亾守節四十二年武舉人趙源通繼妻魏氏年二十夫亾與姑同卧起姑病癱瘓衾枕衣食洗沐扶掖凡六年不懈守節五十年乾隆十一年旌表劉大有妻胡氏年十九夫病且死語曰吾負爾死則早嫁胡執夫手以泣夫沒五年舅

志姑婦行抵施南浹旬而舅沒囊無餘資財典衣辦喪奉
姑扶襯旅食不繼艱苦北歸立嗣子絳甫周晬撫育勤瘁
自食貧奉姑必甘脆姑病則目不交睫如是者二十餘年
康熙五十七年先其姑卒年五十五未卒前一歲建坊旌
門編修王爾烈爲之墓誌趙命祿妻杜氏夫卒遺孤十九
月善事姑執夫與姑之喪皆三年不食肉年八十有六雍
正十三年旌表高雲路妻季氏二十四歲而寡子陵才三
歲日不再食陵長爲諸生諸生共議爲陵母請旌母聞力
止之年五十七孫元龍武進士乾隆四年旌表王德成妻
陳氏夫傭於京而沒家貧無子行乞至京裏夫遺骸負歸

哭田和衣假寐聞哭聲卽趨至慰問安寢而後退年六十
三卒乾隆五年旌表張士英妻孟氏二十三而寡恐姑念
子移榻姑側朝夕與俱守節五十年乾隆二十年旌表李
輝妻嚴氏早寡事重闈孝祖姑劉每令節必命負之出對
族鄰稱嚴氏新婦之賢孝李洪琳妻侯氏二十六而寡事
舅姑孝舅姑語人曰年老失子誠不幸顧吾得此新婦無
憾矣年四十八卒李紹祚妻張氏夫客死三子長皆出尋
父不歸張時時絕糧雖兄姪餽遺不如禮不受卒餓死趙
漢妻白氏少寡子幼隣嘗失火火及舅所白跪火前呼救
風反火滅舅且死對衆語新婦曰我家貧如洗屢遣汝嫁

及祖舅姑相繼沒連舉三喪父母及弟疫死又連舉母家
三喪人以爲難守節三十七年乾隆十三年旌表馬尙元
繼妻劉氏事姑孝姑且死嘆曰孝婦必與吾門夫卒有遺
腹子宗族侵欺率婢媼寢樓上百端隱忍惟存孤爲務守
節四十三年後子孫興盛乾隆二十三年旌表侯業煒妻
趙氏舉人廷蘭女嫁百日夫凶年十九無子嫁夫兩妹爲
兩弟娶婦立弟子爲嗣守節四十六年乾隆十八年旌表
朱良江妻裴氏年二十六夫凶無子數月姑又沒撫夫兩
弟爲娶婦兩弟卒又撫其子娶婦守節五十九年李廷粟
妻田氏諸生慶善女年二十而寡舅姑喪子逾年輒中夜

生早卒遺孤振域亦諸生蘇年六十先卒許躋上壽孫守利妻王氏子婦滿氏王早寡子良貴監生娶滿氏生一子而卒婦姑苦節王年九十三滿五十九雍正十九年旌門見統志武生員邢士奇妻田氏子婦高氏田二十六而寡子溫娶高氏又早亾姑婦苦節數十年監生趙克復妻王氏妾劉氏王事姑孝旣寡撫庶子如已生女紅所積輒周貧乏守節三十七年妾劉氏年少有禮不苟言笑乾隆元年旌表王嗣昌妻張氏子婦蔡氏張年二十三而寡剪髮自誓事孀姑子奇秀娶蔡氏又寡無子三世孀居勵節張尤孝慈兼盡乾隆五年旌表劉鑑妻張氏子婦王氏鑑死

汝輒云少待謂吾孫幼姑病需侍也姑死又不去曰我老也今我且死死汝可嫁矣白日孫漸長兒反忍弃乎卒不嫁守節五十年乾隆九年旌表楊有印妻郭氏早寡家失火火及舅姑戶外郭冒火叩頭衆呼使避泣曰死卽俱死耳火竟滅王登瀛妻劉氏夫亾以舅姑老不更嫁兩叔皆早卒並撫其孤與己子皆有立道光時人此十九人者行各不同皆有至性畸節令後代觀感也

一門雙節或數節並厲亦族里光寵也州凡二十六人徐守法妻許氏子婦蘇氏守法母故孀復病痿許年十四左右扶持又四年守法故以兄子逢昌嗣娶蘇氏逢昌爲諸

遺腹子爾昌娶婦生子矣又卒崔守節五十餘年老而失
明賈左右扶相賈年七十四卒乾隆十八年旌表吳春先
妻馬氏子婦張氏孫婦程氏馬年十九而寡子興仁娶張
氏年二十二生子國棟而寡國棟娶程氏年十九生二子
而寡張美吾妻王氏女適薛氏王年二十四而寡翁卧疾
六年扶侍不懈有女適薛氏夫出三十餘年不歸女依母
氏以老戴嘉賓妻李氏弟嘉朋妻小李氏姒娣並早寡同
心事舅姑二十餘年兩人以節相勵至老不聞疾言嘉賓
無子以嘉朋子爲嗣郝永盛妻侯氏子婦徐氏侯年二十
生子海生而寡海娶徐氏亦早寡能承姑志高成妻張氏

父母哀思致癡疾張時其寒溫饑飽唯謹子傑娶王氏無子早卒王亦不忍背姑張二十八而寡守節四十一年王十七而寡守節三十六年乾隆十三年旌表馮朋妻黃氏子婦小黃氏朋卒黃二十四日夜悲舅姑召則拭淚趨侍守節五十五年嗣子瑛娶諸生黃元臣女又早寡乾隆十八年旌表王業昌妻郝氏子婦賈氏郝年二十四生一子而寡姑病卧起扶持不怠夫有孤甥分田與之子娶賈氏年二十一亦寡居家漸落不鬻田產謂苟蕩廢先業其何以守郝守節四十二年賈年四十六卒賈有成妻崔氏子婦賈氏崔年二十七而寡子士貴娶賈氏年十七而寡有

四年謙娶滿氏亦早寡守節貢生趙廷瑛妻符氏妾郭氏
子婦王氏妾張氏劉氏符氏饒陽諸生符正心女脫簪珥
爲夫納妾郭氏郭生子德煦而寡嫡妾共守德煦考授州
同娶婦王氏湖廣學政王瑄女孫亦爲夫納妾張氏劉氏
張生子盛斌數月而寡一門五節婦右二十家四十五人
立節不可奪者凡十六人王國賓妻孫氏早寡舅姑欲嫁
之不從陳好義繼妻高氏早寡父母欲嫁之不從苦節四
十八年高俊繼妻劉氏無子前子尙幼姑欲嫁之泣曰母
老子幼婦之責也不從姑病持齋虔禱侍奉曲至閭里稱
孝守節四十五年乾隆二年旌諸生趙雲孫妻李氏山東

子婦李氏兩世皆早寡姑婦躬耕成子巖名武樹勛繼妻
張氏子婦馮氏孟氏張武強舉人張蓋女二十三而寡前
室二子皆早卒與長婦馮氏次婦孟氏以節相勵姑病張
不解衣數月姑愈而張以疾卒卒時四十二劉士英妻董
氏弟松齡妻李氏董二十三而寡無子守節四十三年李
亦早寡無子撫嗣子廷龍姒娣共守趙克和妻葛氏子婦
閻氏葛年二十三而寡子履中爲諸生亦早卒婦閻氏克
繼姑節楊大鵬妻呂氏子婦魏氏呂早寡無子以兄子固
爲嗣親串歷年不相接見固娶魏氏亦早寡與姑共守高
秉彝妻王氏子婦滿氏王生子謙而寡貧無依守節五十

高勉妻張氏初寡時隣婦勸改嫁嚴拒之守節四十年乾隆十一年旌楊成奉妻馬氏早寡無子父母欲嫁之不從守節四十餘年張莪妻馬氏早寡子幼姑欲嫁之不從姑使別居日茹糠粃無愠色趙楫妻張氏二十一而寡遺腹生子舅姑欲嫁之不從依伯舅諸生趙莪以居祁嘉棟妻尹氏舉人澍女孫十七而寡舅姑欲嫁之泣以死誓張君妻郝氏東鹿人嫁州民張氏貧寡無依有酒傭謀於郝之外姻楊某欲娶之楊給郝出傭率數人縛之登車郝以頭觸車箱面額盡破抵傭家握菜刀自衛傭不敢逼有俠士李時修率眾奪還州人義之張士九妻劉氏十九而寡夫

司理李振春女年二十一而寡無子翁欲嫁之聞命卽不食乘間自縊遇救自辰至未乃蘇守節五十八年李爲英妻郭氏年二十而寡父母欲嫁之泣曰是謂我非人也遂不返母家守節三十八年乾隆二年旌楊名忠妻張氏姑病虔禱願以身代姑壽至九十夫沒子幼爲隣人灌園隣婦諷以改嫁正色謝曰楊門宗祀繫此幼稚吾何之哉自是絕隣婦不與見哭告夫墓哀感行路苦節四十九年乾隆五年旌林天梁妻杜氏故閩人舅有蕙官雷州道卒於溪遂家焉杜生子八月而寡惟衰姑小叔無旁親母欲嫁之不可事姑終養爲叔娶婦苦節三十四年乾隆七年旌

母舅姑早失隨夫傭作夫沒夫兄欲嫁之不可則使別居
俯仰無依夜靜赴水死家有一女八歲一犬奔吠踞岸哀
哮隣人跡之得尸康熙癸巳七月二十日也乾隆初有司
請旌格於吏議父老不忍沒其節卒請旌表蘇應直妻陳
氏夫疾祈代死夫卒爲立嗣營葬七日不食自縊死年二
十九張國奇妻李氏國奇病亟語李曰我死汝莫若嫁李
泣曰我母乃非人國奇且死又言李曰終不信我乎退飲
毒告夫曰我不如前死竟先夫死郭大妻郭景嫁未期夫
遠客不歸景行乞自活有郭進者夜逼之不從進懼縊景
死乾隆十七年旌馬屯妻戴氏隣馬四戲之戴大罵馬四

兄欲嫁之誓死不從卒年六十一劉廷煒妻賈氏二十而

寡貧無食或勸改嫁曰吾家數世無再嫁女吾懼辱祖父

也以上乾張蓋懷妻王氏二十一而寡貧事舅姑二十餘

年有富人欲聘之誓不從道光四年旌道光

徇節死者凡十二人王襄妻辛氏武強進士辛煒女年二

十一而寡子洪舒才一月守節十年有富人欲娶之辛聞

自投牆下血流被體絕粒而卒初洪舒三歲病危辛泣曰

王氏此種絕吾與俱斃矣及卒時縫一牋於洪舒衣袖曰

念爾母執爾經爾有成勝吾生洪舒感奮卒成名乾隆四

年詔建坊入祠郭清河妻張氏山東恩縣人年小遠嫁父

且罵盜縊之死李文忠女環隣白魁元見環獨在田守稼
戲之環憤甚歸自縊死有烈女碑乾隆六十年旌李得信
女賢父母外出賢臥病鄰楊秉魁欲污之不從投井死嘉
慶十五年旌張俊女恩父母外出恩獨處鄰楊金齡戲之
恩大呼懼逃恩憤自縊死嘉慶十八年旌周樹雲女成鄰
李喜欲污之不從被殺其妹日起驚且哭喜復殺之嘉慶
二十五年旌知州張杰爲之傳傳中坵記王烈女事王烈
女霞年十八族王得滙逼之抵死不從亦被殺杰不載王
氏父母遂失考居王家井村

同治七年張揔愚之黨闖入畿輔遇賊不辱遇害者八人

逃走戴歸自縊死亦十七年旌王仲妻景氏鄰耿倉戲之亦自縊死嘉慶十五年旌鄭學孟妻賀氏隣李十欲污之不從爲所殺嘉慶十九年旌馮春齡妻王氏隣宋奎出污言自縊死道光元年旌于士尼妻呼氏族于四戲之自縊死道光三年旌郭增妻高氏守節六年子名書十二歲矣夫之姑欲嫁之投井死田士俊妻孫氏十七歲夫以身故二人並道光四年旌

國朝以來不污強暴者六人段廷女弟段氏年十三有盜夜掠至野欲污之堅拒不從盜創其膚罵益厲搯其喉立死朱瑞女朱氏許字高氏子年十七盜伺其獨行近之呼

十五武生員趙秉剛之妻劉氏父州學生桂森兄舉人宣秘方歸省母而賊至與嫂張氏扶母避賊賊追及脅之不從遂殺之賊去嫂搥姑血自塗面佯死他賊至以爲死人也旣脫扶母匍匐夜行以免張氏宣秘妻也姑嫂故相善劉死時年三十五此八人死事流傳搢紳間自餘爲俠免人於難而死者張祿妻徐氏一人聞警先死者張君妻李氏一人徐氏貧不避徙賊挾二女子至誠徐善守視失一人吾殺汝徐問知皆良家子導使潛逃二女子強使俱去徐曰吾去賊且殺我夫遂返賊失二女子怒遂殺徐二女子厚葬之李氏年十九初嫁於張夫病疫聞賊警謂夫曰

張貞祚女名玉翠嫁李氏賊至將加刃貞祚玉翠挺身前
賊喜遂釋貞祚玉翠爲賊炊乘間自縊死年二十九閩錫
朋女年十七遇賊而逃翌日再遇賊曰汝今能再逃耶女
罵之被十餘創死張長華妻于氏隨父與夫避賊賊近趣
夫行夫不肯于曰何戀戀爲請先死絕君念抱幼女赴水
死父妾朱亦抱幼女從死孫泰然妻李氏挈女行遇賊賊
劫女女罵賊賊以戈刺女曾死李遂免去數日賊復至李
赴井死李年四十女十六也泰然從孫啟文女亦罵賊死
女之母亦後數日赴井死高生妻李氏賊至匿密室賊搜
得迫使出不動鞭之忿罵斫以刀罵愈厲賊燒殺之年二

在也今何生爲不數月卒知縣王釐士歐汝孚皆爲立碑
李順妻某氏崇禎年大饑人相食順得麵餅一器驚其妻
妻曰此安能苟活邪卽夕自縊死順亦自縊又有生員李
容肅妻周氏夫卒自經死舊志失其時代以節箸者八人
劉隆妻李氏年二十五夫故無子守節四十七年卒于天
爵妻劉氏年二十夫亾事親守節四十餘年卒谷仲武妻
段氏賈天祐妻李氏二十九夫故教子成名范萍妻段氏
早寡無子與妾張氏同守志終旌曰雙節張季妻李氏年
三十夫故家貧子弱寄居母氏以針指自給教子成名周
宗堯妻王氏年二十一夫故守志教子成名崇禎九年旌

賊至吾且先死後警益甚欲死鄰女止之不可竟赴井死
死而賊亦竟不至

武彊婦人節義可紀者明諸生李克儉妻王氏年十八夫
亾正德六年流賊竊發衆避寇王曰吾無夫豈可遠涉草
莽求活不避賊亦未至姑張氏病禱以身代竟愈嘉靖十
八年表門方正德時流賊之變有李氏女父曰福年十七
未嫁賊至欲逼之不從脅以刃不從剖其腹五藏流離支
解死武氏女父曰泰年十六未嫁被掠不從賊腰斬之皆
見明一統志李游妻苑氏年二十一夫亾有執家欲娶之
毀容以絕奉姑二十餘年姑沒自營葬地曰吾不死爲姑

嫁晨出擷蔬隣王會強持刃欲污之不從相持良久頸被
七創死康熙二十三年知縣潘拱辰請旌於朝表以碣御
史張星法妾李氏年十九而寡嫡符氏欲嫁之以死誓乾
隆二年旌湖南辰沅永靖兵備道張楸妾舒氏楸朝京師
病故訃至躍井以殉乾隆元年旌入節烈祠楸星法子也
張洪妻武氏年二十一夫亾遺孤相家貧繼姑不能容祖
姑老諄數欲嫁之誓死撫孤數年相殤愈欲嫁之竟不食
累日死曹琳妻劉氏年二十四夫亾後舅沒於京劉攜幼
子入京負舅骨歸葬守節三十六年見道光志生員宋福
疇妻王氏夫病篤曰我死汝可嫁王以死誓夫卒自經以

表

國朝有李鳳翔繼妻張氏十七嫁未而月夫亡前室子愈昌在襁褓鞠育勤懇母家欲嫁之以死自矢遭明季兵變母子相依三十年康熙中有雨雹傷麥者張夢神插旗於畛以識其田及明赴田則隣田皆傷雹獨節婦麥禾無恙年八十餘卒彭魁妻吳氏薊州人魁贅於吳生子鉉夫故年二十二父母留之不可扶喪挈孤歸夫家事舅姑守節五十五年監生張師寅妻王氏妾章氏寡居章才十六與王共守王年八十七章年九十五子孫鼎盛康熙四十四年旌事見一統志王才王女王氏年十七許字張明儒未

饒陽在明有宋之鎬妻李氏年十五嫁鎬鎬病左右扶侍及卒哀毀成疾臨死遺令死卽殮勿暴尸勿作佛事諸生劉豹妻徐氏年二十三夫卒撫尸哀哭旣絕復甦水漿不入口送柩中途投井遇救不死後託言登樓檢夫遺書墜樓死趙彥良妻王氏年二十二生子周歲夫亾兄欲嫁之泣曰生爲趙氏人死爲趙氏鬼固拒而止躬蠶績事舅姑苦節五十一年事見明一統志其一門三節者有李堂妻崔氏年十六夫故子梅娶張氏梅子仲臣娶趙氏皆早寡知縣楊君爲建三世貞節坊雙節者有諸生張三省妻路氏子師順娶劉氏嘉靖中旌門劉璉妻李氏子希尹娶趙

殉王楷妻姜氏夫病亦命姜別嫁及夫危篤姜先自經死
此兩人皆道光時

同治七年張搃愚之亂有許氏女子父曰盛元遇賊將殺
其父而劫其女女給賊釋我父吾從若賊信之父去升高
望女見賊授女鞭扶使上馬女出不意鞭賊罵曰死盜吾
豈從賊者賊怒數人共縛女持刃脅女女罵益厲被數十
創卒刃貫其胷以死又有張體仁妻王氏者方歸甯與母
家男女同避賊時滹沱水發行水畔聞陷賊婦哭聲竦身
入水同行隨入水者數人水淺不得卽死越兩日夜有生
者婦立而僵賊去家人得其尸流澌中

旌表路玠妻康氏玠卒子達道亦卒苦節以終知縣陳謙旌表
陸見詔妻李氏夫沒苦節訓孤成名邊維翰妻魏氏十九
夫故守節教子及孫皆成名周於德妻牛氏夫亾毀容矢志
撫孤以終李洪憲妻于氏十九夫亾守志以終何奇度
妻閻氏二十夫故苦節終身段性妻喬氏妙年夫故矢志
孝養張志中妻路氏邊簿妻楊氏孔希鳳妻周氏郭應中
妻馬氏田自武妻劉氏五人俱守節以高年終

見舊縣志

國朝有李翹妻侯氏見夫病亟先投繯人救之翹聞痛曰
上有老母下有孤子汝死吾不瞑目矣言畢而卒後遂不
復言死姑年八十事姑頃刻不離撫子有立守節三十五

氏李年二十八夫亾趙年十八夫亾萬厯中旌門又有段
維清妻周氏年十六夫亾斷指自誓守節至八十三始卒
李君第妻劉氏守節事姑孝聞鄉里崇禎十一年 大清
兵至縣遇變死烈者三人符應科妻田氏守節二十六年
遇變攜甥女投井死許聯昌妻石氏靳樸妻韓氏均聞變
墜樓死其事蹟不箸者十八人諸生周尙義妻魏氏年二
十六馮昭妻鄭氏苦節教子四十一年卒張越妻黃氏年
二十七夫亾黃未幾卒孫淮妻劉氏見正定舊志徐雲妻喬氏十
七夫故事親撫孤苦節六十六年卒石文經妻劉氏年二
十八夫亾無子舅姑爲立嗣以節終萬厯十年知縣任國正

咽盈盈蕭氏女小嫁侯家郎十七過門去不見姑與嫜但
見機上絲莫言腹中饑薄薄數畝田聊以供晨炊良人守
樸拙貧賤理所宜乾隆七年春日暮良人出獨居敗屋中
屋頭黑如漆但覺毛髮寒森森如有賊鄰火一閃爍有人
屋中立持刀夜欺人髮戟心如鐵妾頭容可斷妾身不可
失斫面百餘刀罵聲猶未絕慘慘耳邊風涓涓席上血天
明鄰里來惻惻傷曾臆賊能碎人骨不能損人節八月小
女兒血中覓乳食舌死留微息但覺聲音希炯炯雙眸寒
忍待良人歸報官捉鄰左鐵索滿公堂豈無秦宮鏡難照
魑魅腸黃昏入神廟官賢格官茫賊在人羣中中夜心膽

年康熙二十六年旌金氏女子父曰光斗隣鄭騾強欲污之抵死不從憤甚自盡雍正六年旌事見一統志張佺妻侯氏十六嫁嫁一年夫失明左右扶侍又四年夫卒無子母家欲嫁之不可守節三十餘年賓昏喪祭曲有恩紀知縣侯珏表門王喜進妻喬氏夫凶子幼躬耕薄田二畝奉舅姑姑沒舅篤疾且夕扶掖遠近稱孝知縣單作哲表門劉懷偉妻侯氏年二十一而寡懷偉性癡生子又癡母欲嫁之毀面自矢終身事舅姑守節四十餘年侯進才妻蕭氏夫出有周秋者夜欲污之不從被殺邑人周蘭皋爲詩曰貞烈復貞烈聞之當泣血天地爲汝驚鬼神爲汝哭幽

徐五十八卒生員許敏妻田氏年二十四夫亾子生員超
謙又早卒撫育幼孫年七十五卒田有女適劉淳亦早寡
守節五十四年張德恆妻劉氏年二十三夫亾子之有娶
張氏之有又早死劉年七十二卒張苦節三十年安拔類
妻閻氏年二十五夫亾子廷娶李氏廷又早死閻守節四
十四年卒李守節二十四年生員張炳妻王氏年二十九
夫亾子璋娶郭氏球娶葛氏璋球皆早死無子姑婦三人
同命王守節五十年卒郭守節二十三年葛三十七年周
之德妻王氏年二十三夫亾子廷貴娶馬氏廷貴又早死
王守節五十六年馬守節三十一年知縣單作哲表門以

裂側見鬼雙立叱使口自說卓哉賢父母曷從屈平人惡
舌如翻盆詭詞欺上官獄具奏屢卻日月徒遷延賢令向
人言下有地下鬼上有頭上天此冤不得雪焉用官獨全
赴府面陳狀請勿信賊欺遂定大辟刑聞者眉爭飛官買
西郊田穿冢葬貞烈伐石刻作碑碑高字成血乾隆九年
秋斬文下饒陽活祭石碑前掛首孤墳旁賊首有遺臭孤
墳有餘香沈冤一朝雪千載留芬芳邑人告行人過此百
市當徬徨其一門數節乾隆時凡六家陸大妻馬氏年二
十七夫亾子奇忠娶徐氏女一人適陳望輝奇忠望輝並
早死姑婦母女相依爲命馬年七十三其女年六十餘卒

有筠何曾畢命有難色吁嗟乎閨中人乃如此世上多少
貪生徒折腰齟齬稱男子事見通志

同治七年張總愚之亂遇賊不屈者二人李蒲者農家女
子賊欲縛之馬上女坐地不起父促女上馬且導賊行捷
徑賊信見路旁井以顛示女女自投馬下以袂蒙面躍入井
賊倉卒不及救恨甚並擠其父井中賊去村人出之皆已
死武強明經張有光爲文紀其事如此張氏女子曰蓮幼
爲人婢聞亂謂其主婦曰事急必不苟活賊至曳使行不
去手批賊頰遂遇害時年十五也

安平在明則有郭士文妻李氏翰林院檢討郭俊母也年

身殉者一人王清明妻徐氏年二十餘夫亾遺腹生子七日絕粒死舅姑悲其志名所生子曰蓼莪弱冠爲名諸生光緒十一年旌表其不污強暴者二人何錫恩妻程氏懷孕歸甯傭趙美持刀入室逼之斷數指死拒連被數刃卒以巾縊殺之道光二十三年六月也事聞置美於法程得旌又有無名氏題秦烈女詩序云強暴近出門中潔清完名地下其詩云我愛子卿節更愛常山舌丈夫死去餘千年誰人尙有心頭血滹沱之水流湯湯有女高風並太行誰云輕塵棲弱草成仁取義凌秋霜君不見陳仲妻一旦隕崖不隕德又不見韓玖英甯可投穢不投賊自古竹箭皆

邑進士彭相題詩紀事有句云雲松千丈自孤高朽株不復回春意時人傳誦之其一門數節者王紀妻李氏年二十夫亾一子爲縣學生兩孫俱貢士皆早卒子婦孫婦相隨守志巡按御史表門云一門四節王家彥妻蘇氏年二十三夫亾弟家順妻喬氏年二十四夫亾均苦守四十餘年巡按表爲雙節其遇兵殉難者張玉璋妻李氏崇禎戊寅歸途遇兵蜂擁圍逼脫簪珥求免不得迫之上馬詈罵不肯上加刃於頸脅之不動持磚擊兵兵斷其項而去祀節烈祠而終明之世以節箸者二十人舉人呂鳳妻王氏年二十一夫亾守志六十餘年卒紀架妻鄭氏十七夫亾

二十五夫亾事舅姑孝教撫孤子有和丸畫荻之風洪武間表門曰貞烈監生翟得妻張氏年二十一夫肄業成均卒於京邸訃至慟哭自縊事聞亦表門曰貞烈右二人皆見明一統志張大業妻王氏年二十三夫亾苦守事聞月給糧五斗年八十三卒張彥妻趙氏年二十夫亾無子事孀姑孝事聞月給糧五斗歲給絹二端年七十五卒前朝之盛典也張奐妻鄭氏年二十二夫亾壽一百三歲諸生李重華妻趙氏夫婦相敬夫沒之次日自縊以殉事聞建節烈坊又有舉人傅瑄妻王氏刑部員外王健之兄女也年二十瑄舉天順壬午鄉試中式而卒王守節五十餘年

十二守節教兩孤成名辛聯達妻趙氏十八歲夫故苦節以終按院旌之喬復享妻劉氏年二十二夫亾上事下畜克持家業者二十九年卒旌表諸生門春閨妻范氏二十二夫亾翁姑俱逝惟幼弟孤苦撫養成立按院旌之旗牌官閻文藻妻彭氏苦節三十餘年教子桂孫有光皆成名義官張廷瑄妻劉氏妙年夫亾守志四十餘年撫三子皆成立舉人靳撰妻安氏二十八夫亾苦節以終張道化妻張氏二十八夫故無子守志三十餘年卒廩生趙一韓妻周氏二十夫故無子守志五十年卒

國朝諸生靳成名妻王氏年二十四夫亾紡績撫孤年九

守節六十年卒張紹勳妻王氏十七夫亾守節五十餘年
卒諸生彭守敬妻王氏二十夫亾守節三十餘年卒舉人
金黃妻陳氏年二十三守節當事給糧示恤郭義妻鄭氏
年二十二少年守節御史溫公旌之劉維龍妻岳氏年十
七夫亾無子僅有一女撫守成人裁減衣食終身食苦四
十餘年卒建坊入祠張大臣妻王氏年二十八夫亾家貧
績紡訓子爲名諸生按院旌之李克家妻劉氏二十歲夫
故守志四十餘年教子成名諸生張賢彰妻吳氏奉姑甚
孝教子成名守志三十餘年旌表諸生門延賓妻王氏年
二十八夫亾守志育遺腹子甘貧節終靳勣妻張氏年二

四十餘年年六十七卒金鉉子益正繼妻劉氏亦少寡事
庶姑王如姑撫前室子如己子年七十六皆雍正十一年
旌劉裕生妻宋氏年二十九夫亾裕生從子二人鉞鐸鉞
娶高氏年二十七夫亾鐸娶張氏年二十一夫亾世稱一
門三節宋年六十四高六十三張五十一皆雍正十二年
旌自雍正以後以縣久無志列女事不大傳

同治戊辰張搃愚之亂以義死不辱於賊者八人張維翰
妻趙氏避賊至母家義門村聞賊至抱幼女與母家諸女
坐井欄揮子文郁使行文郁不忍去賊猝至抱女入井姪
女崔張氏者亦躍入井文郁痛母守井旁罵賊死崔張氏

十餘張國珍繼妻王氏年二十三而寡無子前室子諸生
霍死深州霍妻陸氏年二十七哀號奔赴負夫骨歸葬子
魁吾娶宋氏而卒宋年二十一逾四月生遺腹子鴻印亦
諸生娶李氏生二子昭曉又卒李年二十七奉姑撫兩孤
一門四貞節王六十一卒陸六十四卒宋李年壽失考楊
三友妻王氏父曰王家慶三友父曰楊盡誠年十八夫
葬畢母來視欲挾與俱歸辭不行舅姑諭之乃佯許因爲
弱弟製履日弟服此後不能再也是日詣墓祭還拜舅姑
退閉門自縊死右六人皆見 大清一統志戶部郎中郭
金鉉妾王氏金鉉病危與以三百金使別嫁王不從守節

一名蘭書父曰和春二女同行遇賊閨申見路旁井疾趨躍入賊遮蘭書不得至井怒罵賊被數十創死一賊至井以戈出閨申閨申坐井中罵賊賊下戈刺之亦死蘭書年十八閨申十七也生員門棟齡女名淑義門村人嫁饒陽李鶴齡歸省母聞警逃去村三四里遇賊家人左右翼救賊怒鞭刃交下多傷者淑曰勿傷家人吾從若家人旣免賊扶使上馬淑怒曰無目賊名門女豈從汝者被數十創血殷衣赤遂死年二十

者崔三堂妻也夫亾事舅姑孝姑語人曰吾與婦處不知子之亾也賊至隨叔母趙避亂同赴井死時年三十一王有智妻曹氏張敖村人扶姑挾女避亂溪澤之故城砦已而復歸中途遇賊賊劫之詭謂賊待我寄弱女園屋中卽從若賊信之抱女疾趨赴井死劉慎徽女名亭夏里村人賊劫之女坐地不行怒罵賊賊不欲傷之脅以刃女罵益厲賊怒連斫之一賊曰此弱女氣剛如此剖視其心果何若遂遇害年二十一劉潤身妻張氏有女年二十賊至母女相隨入井賊驅村人拚出之三出三絕其縋賊怒下石焉遂俱死靳氏二烈女者其一名閨申父縣學生懷若其

易者河所過大率沙壅土疏五稼不入則材木果蔬之利興焉異時饒陽安平出絲絹近皆無桑而絲絹不減於故以織作各有師承也其絲多售自涿州昔朱滔欲取涿州得絲纊以寬幽州賦率涿州有絲舊矣今州之西鄙諸村蠶桑利最饒所獲歲可十餘萬金饒陽紬本不多若安平之絹往時但用爲篩底近則遠販海外利既倍蓰居人行賈天津與五洲商旅交游見聞漸廣亦淪智之一助也州所屬地往時棉布流行塞外近則英美日本各國之布用機器織造者幅寬而價廉吾國布利盡爲兼并種棉之地日少光緒十許年後花生之利始興其物遠行閩粵外國

物產

涇州風土記第二十一

物產之有無所多所寡往往涉千里數百里而稍益區分一州一縣不能自爲同異其爲一州所專擅者涇州獨有一井泉石列於蘇頌本草圖經云出涇州城西廿里之劇村今亦無有其餘則幽井燕趙常山信都所產涇州在其域分宜亦同有非可私據至如涇州之桃饒陽之紬安平之絹皆一境獨勝如此比者不能多也大氏樹菽各視土壤所宜而工作由其習俗深舊廣烏之地州土二等白爲上黑次之饒陽略與州等武強剛黑安平白墳其大較也每瘠沲過而寘闕則土爲之一變故無數十年沃瘠不互

志故有本也

雍正州志無昆蟲豈乾隆志取安平志以入之邪

今武強異者饒陽安平有者

皆埶箸於篇博物君子習於此土踵而明之亦庶幾古者

上訓詁地事之遺悞乎

穀之類

今案雍正州志仍康熙志之舊物產有箋釋風俗有引證今併採入

粟

雍正志有黃白赤三種乾隆志黃白赤黑龍爪

武強無饒陽

改黑爲青謂龍爪卽穆子土名稗子今案饒陽志以黑爲青是也國志烏桓

宜青稂郝蘭臬云青稂卽黑黍之異名龍爪粟卽穆子說本李時珍李分穆稗爲二弓汝恆曰龍爪粟非穆子穆卽稗也李說並誤

安平

稗今案蘇頌本草圖經

云北人謂稗爲黃米亦謂黃糯安平志以稗爲粟先鄭周官鍾氏注以丹稗爲赤粟是安平志所本然未審也

粟者穀實之大名

其專文則古者謂稷爲粟左傳疏引犍爲舍人說稷粟也

鄭周官甸師注云穀者稷爲長倉人注云九穀以粟爲主

是粟之爲稷乃漢人舊說自陶宏景集名鑿別錄乃區粟

購之用機器榨油轉售中國取利以此種者沾其贏餘相
習益多亦頗自榨爲油以便民用其歲入過於種穀此近
年新獲之田利前古無有太行以西南漸曹毫徐泗往往
種鷲粟取利旁近數百里間頗染其俗州獨無是覽者可
卽一州物產興衰占世變焉州舊志所記諸物大氏本之
眞定府志自明以來遞有增損雖未翔實要不可廢棄粗
爲考正而存之不知則闕武強盡取之州志其稍異者或
州縣互有奪誤其大體無別安平修志在未隸深州時饒
陽志修於乾隆州志之前二縣所載視州爲約覈矣其羽
毛二類與州略同安平之紀昆蟲則全與州合以此見舊

之習俗若自古已有何爲紀其種年并著七年後多蛇之異乎舊說謂種來自蜀故名蜀黍蜀雖秦世已通至漢武時乃有司馬相如之徒游學上國故宣帝時始有穀種流傳中土程氏訓蜀爲大引爾雅雞大者蜀蜀葵戎葵爲證爾雅漢人之書其文在蜀物流入之後其云蜀雞猶荆雞越雞之比以蜀爲西戎舊壤故謂蜀葵爲戎葵此本不必傳會戎大之訓以戎爲大猶可言也若蜀則古訓絕無大義即使有之蜀黍乃漢魏之物亦不得名以三代古訓之字爾雅釋文云黑黍或曰今蜀黍陸作釋文時蜀黍尙加今字其非古有是物甚明程謂叩之蜀人彼土不食高粱

稷爲二陶生南人於北方穀種未能目驗遂啟陸德明之疑而導蘇恭之誤陸說相承云稷粟也本草稷米在下品別有粟米在中品又似二物陸所稱本草乃別錄也蘇恭本草注以稷爲稷是後並依蘇說惟程易疇九穀考謂粟爲粱而用元人吳瑞之說以高粱爲稷余未敢深信說具左方

高粱

雍正志蜀稷有黃白赤三種乾隆志黃白赤黑

饒陽

有

安平

梁今案安平志以高粱爲梁非是九穀考以粟爲梁亦非

高粱於古無考始見廣雅謂之藿粱謂之木稷博物志謂之蜀黍云地節三年種蜀黍其後七年多蛇如志斯言是地節三年中國始種此穀故以蛇怪歸之此乃少見多怪

一余謂此當依秦漢諸書以定梁稷之名不得謂穀名自秦漢時已誤程氏盡排舊書而獨宗許鄭余謂許鄭井同舊說無勑解也汜勝之種殖書爲鄭君所重其云梁是秫粟決非不知而強言三倉云梁是好粟三倉合李斯蒼頡楊雄訓纂諸書爲之亦必無妄說郝氏爾雅義疏謂稷之精者爲梁梁亦大名其說甚當愚謂梁有二等其一秫粟其一好粟說文梁米名也舉大名爲文而申其義於稷云秫稷之黏者此以秫爲梁也先鄭及汜勝之以秫列九穀後鄭改秫稱梁以梁卽秫也許鄭不言秫梁同異者以時人通知不煩解說也此汜書秫粟爲梁之說也孟子云膏

諸州物產今昔不同者多矣。自白虎通許鄭諸儒均謂稷爲五穀之長。若高粱則至今以爲麤賤下品。豈得爲長古名農官爲稷。粢盛主稷爲文。何爲舍貴種而取下品。說文於黍謂可爲酒。高粱今人專用釀酒。若果是稷。許何以不稱其可釀。程說無一足據。世儒顧宗信之。郝氏爾雅義疏頗心非之。但旣以稷爲小米。又謂稷兼高粱。仍模稜之見。陸稼書靈壽志以粟中穗如狗尾草者爲梁。恐無碣據。梁稷要是一類。凡呂覽淮南秦漢舊書言禾不言梁。稷者以禾兼梁。稷也言稷不言梁。者以梁稷同物也。言粟不言稷者以粟稷異名同實也。程氏謂秦漢以來皆溷稷梁爲

誤本爲口實陶氏別錄於稷外別列黃梁白梁青梁之名而蘇恭又詳辨其穗粒長短大小圓扁收早晚之異似皆目驗可信又蘇恭謂青梁收薄味短人少種之蘇頌謂今種時皆白梁而青黃稀有因其損地力而收穫少也寇宗奭云黃梁白梁西洛農家多種然其粒尖小於他穀收實少故能種者亦稀以三說考之是三梁民皆稀種安知非昔有梁之一種而後以稀種而失之乎然可決其無是者以漢人絕未言及而陶於粟外列稷蘇恭以稷爲穠蘇頌以不黏者爲黍彼等於諸穀實多未了其言固不足深據也

梁蔡澤云持梁齒肥左氏傳稱梁則無矣麓則有之是皆以精好爲梁王逸說楚詞菰梁以梁爲菰米之美稱蓋緣梁本粟之美者而生此訓此三倉好粟爲梁之說也內則飯黍稷稻粱白黍黃粱所謂粱卽好粟也所謂黃粱卽秬粟也粟之白者不黏此亦下走得之目驗者至內則云粱秬唯所欲則又以黏稻爲秬言各有當也秬粱旣爲一物粱稷并非兩類諸經粱稷并列猶賈讓言故種禾黍更爲秬稻非稻外別有秬魏都賦言水樹稷秬非秬外別有稷禮經簠簋有粱有稷則黏與不黏二種并設所以貴多品耳若韋昭國語注云稷粱也粱乃黍之誤字不得據傳寫

定粟卽稷上已有粟此稷宜從刊落漢書平當傳如淳注
引律稻米一斗得酒一斗爲上尊稷米一斗得酒一斗爲
中尊粟米一斗得酒一斗爲下尊似以粟稷爲二然顏籀
以中尊之稷爲黍之誤其說至是內則明有稻醴黍醴梁
醴可爲碣證黍之可爲酒說文旣明箸之安得上中下三
尊反無黍酒乎周制卣爲中尊洛誥秬鬯二卣文侯之命
秬鬯一卣秬鬯黍酒也中尊用黍酒自周已然漢豈獨改
中尊不用黍酒故知此稷決爲誤字也

麥

雍正志大麥有芒無芒二種小麥赤白二種春麥春種夏熟乾隆志增秋麥

饒陽

有春秋二種
麩一名大麥

安平

大

本草

二麥外又有穉麥蕭炳云大麥之類山東河北人正月種

黍

二志并云白黑赤

饒陽

增黃今案內則言黍稷稻梁白黍黃梁鄭君注黍黃黍也饒陽志增黃甚當

安平

有

蘇恭謂稌

卽稷程氏謂稌卽黃黍內則直呼曰黍不得冒稷其說是

矣至謂蘇強分黍爲二穀則尙未盡允以稌爲稷乃蘇恭

創說前古無有故不足憑若漢人之說梁稷亦分一穀爲

二其可信者則從古皆無異說彼固有所受之也

稌一名麩周官土訓

注云幽并地宜麻釋文麻一作麩程易疇九穀考云麩必麩字之誤是也

稷

二志并云白黑赤

饒陽

增黃改赤爲紫云土名麩子今案說文麩稌互訓麩稱甚古非土名但不是稷高誘云冀州謂之緊緊音牽今無緊稱

安平

今案舊志有粟復有稷饒陽志以爲麩子皆依蘇恭謂

稌爲稷蓋自陶宏景以後梁稷二穀始誤程氏至謂呂覽

淮南已誤則是過論其信吳瑞以高粱爲稷尤爲無據今

榆令人瞑郝云周禮九穀兼大豆小豆管子地員亦著大菽細菽之目今時農家菽小菽每雜瓜田芋區中知其收入薄也大豆切於民用

豌豆

乾隆志大小

饒陽

有

廣雅脾豆豌豆留豆也王伯申疏證

云四民月令正月可種春麥脾豆今北方種豌豆在正月與四民月令符故北農語曰豌豆大麥不出九也齊民要

術云脾豆大豆類豌豆小豆類分爲二類與廣雅異又爾

雅戎菽樊光舍人李巡郭璞皆云胡豆詩疏引郭說管子

北伐山戎出戎菽布之天下今之胡豆是也或說胡豆卽

豌豆郝云廣雅以胡豆爲豨躄與豌豆別今案李時珍言

之名春穡狀與大麥相似

蕎麥

雍正志夏種秋熟饒陽有

安平有

王禎農書云北人多種之

芝麻

雍正志上田饒陽

脂麻今案寇宗奭本草乾隆志白黑衍義云脂俗作芝者非

陶云本生大宛

故名胡麻八穀之中惟此為良今案陶注稷米下說八穀

引董仲舒云麻是胡麻董已用胡麻說八穀中之麻則非

來自大宛

豆

雍正志別立菽類首黑豆云植晚大小次黃豆亦云植晚大小次青豆云植晚二種次花豆大小二種次烏豆色黑次菜豆植晚二種次赤豆蔞生次白豆宜作粿次小

豆赤白二種次豌豆大小二種次豇豆色白次菜豆青白赤三種次菹豆青白二種次

羊角豆形類羊角次蠶豆形類蠶蟲乾隆志大小青黃黑白赤綠花紅其豌豆以下別

見下條而饒陽 黃黑青菜今案本草舊書皆作菜李時珍改菜為綠非是郝蘭皋云菜綠字通安平 無小豆增刀豆龍爪豆今案蘇頌

圖經云江南作豆豉自有一種刀豆甚佳西陽雜俎有挾劍豆李時珍謂即刀豆余見日本人仍名之挾劍豆 嵇康云豆令人重

豆此又一胡豆也李時珍引唐史畢豆出自回鶻者婁居
中飲膳正要謂之回回豆此又一胡豆也又青小豆一名
胡豆見千金方此諸豆皆名胡豆降躩一種何獨不可名
胡豆乎

蠶豆

饒陽有

王禎農書謂其蠶時始熟故名李時珍

云御覽云張騫使外國得胡豆種歸謂此也今蜀人呼此
爲胡豆

羊角豆

饒陽有

楊廷秀詩羊角豆纏松葉架雞冠花

隔竹槍籬

雍正志

有麻子大小二種莩菁子實類菜有藟豆饒陽有武強穀疏兩載安平入蔬類

豌豆出西胡今北土甚多李蓋主唐史畢豆出回鶻爲言則不以爲管子所得之戎菽矣

豇豆

饒陽有

廣雅胡豆豇躩也李時珍云此豆多紅

色莢必雙生故有豇躩之名廣雅以爲胡豆誤今案豇

爲豇躩之合聲李謂豇躩爲豇是也但廣雅以爲胡豆不

得謂誤蓋豆之來自外國者甚多筦子得山戎之戎菽陶

氏論合藥云如胡豆者以二大麻準之如小豆者以三大

麻準之是胡豆小於小豆別錄序例解之云丸藥如胡豆

卽今青斑豆也此一胡豆也御覽引本草說生大豆云張

騫使外國得胡豆或曰戎菽此豆在生大豆條當大於豌豆

皆以色名之安平志似
以萹菁爲青菜誤矣

蘇恭云白菘似萹菁也菘菜不生北土

有人將子北種一年半爲蕪菁二年菘種都絕將蕪菁南
種亦二年都變李時珍云菘今人呼爲白菜北人冬時入
之窖燕京圃人冬時以馬糞入窖壅培不見風日長出苗
葉皆嫩黃色脆美無滓謂之黃芽菜豪貴以爲佳品今案
李說得之當時目驗蘇氏所云蕪菁似卽謂今北方之白
菜與漢人所稱萹菁異矣

菠薐

饒陽有

安平

菠薐今案本名菠薐云
菠薐者土俗語省薐字

劉禹錫嘉話錄云

菠薐本出西國中有自彼將其子來如苜蓿葡萄桃因張騫
而至也本是頗陵國將來語訛耳時多不知也今案唐會

應省

粟稷應省其一

應增稻

周官職方并州宜五種鄭注稻黍稷麥菽今民間近水處時種稻舊志無

蔬之類

芥

雍正志味辛

饒陽

有安平

陶云似菘而有毛味辣好作菹

亦生食今案陸璣詩草木疏云蕪菁幽州人謂之芥方言關西謂之蕪菁趙魏之郊謂之大芥蕪菁之紫華者謂之蘆菹郝謂今蕪菁蘆菹芥三者相似而異北人能識之陸及方言並以蕪菁爲芥誤余謂漢時此三物皆名蕪菁後乃區別爲名郝據今民俗譏漢晉人爲誤殆未然也

白菜

雍正志種類不一

饒陽

有安平

菁菜今案南都賦秋韭冬菁急就篇老菁藜藿冬日藏所謂菁卽蕪菁非菘也菘爲白菜亦名青菜蓋

此菜自古已有千金方入菜類

蒔蘿

雍正志一
曰小茴香

陳藏器云生弗誓國實如馬芹子蘇頌圖經云

花實大類蛇牀而簇生辛香李時珍云卽小茴香今案海

藥云生波斯國佛誓卽波斯之異名

金簪

雍正志
色黃

土宿本草云金簪草一名地丁今案本草綱目

所據書有土宿眞君造化指南蓋託名也

藕

雍正志
荷根

爾雅荷夫渠其根藕說文作藕

黃花茶

雍正志
水生

明汪穎食物本草黃瓜菜李時珍本草一名

黃花茶

紅花茶

李時珍云山丹燕齊人采其花跗未開者乾而

要太宗時尼波羅國獻菠稜菜尼波羅國卽嘉話錄所云頗陵國也

韭

雍正志一曰懶菜

饒陽有安平有

說文一種而久故謂之韭

芹

雍正志水生乾隆志作水芹

饒陽有安平有

本草作水鄴陶云三月作

英時可作菹孰淪食之俗中皆作芹字別本注卽芹菜也

蒿苳

雍正志種類不一

安平有

本草蒿苳增入白苳杜公有種蒿苳

詩

蒼蘆 安平有

嘉祐本草云不可多食莖灰淋汁洗衣

白如玉色

茼蒿

雍正志味香

饒陽有安平有

嘉祐本草有同蒿李時珍云

地瓜

雍正志似
蔓而大

陳藏器本草拾遺有草石蠶明周憲王救荒

本草謂之地瓜兒

地豆

雍正志
土生

磨姑

雍正志
即地蕈

李時珍本草綱目一名肉蕈吳瑞云蕈桐柳枳

棋木上紫色者名香蕈白色者名肉蕈

馬齒莧

雍正志莖赤
多產畦畔

陶云馬莧俗呼馬齒莧

胡葵

雍正志一曰蕪葵
乾隆志作芫葵

饒陽

蕪葵
安平胡葵

陳藏器云石勒諱胡故

并汾人呼爲香葵李時珍云葵說文作蓂云薑屬可以香

口今呼蕪葵蕪乃莖葉布散之兒俗作芫非

苜蓿

雍正志
宜蒸食

饒陽

有

陶云北人甚重此南人不甚食之以

貨之名紅花茶

銀條

雍志形類錄股

唐人云苗高三四尺葉似柳邊有鋸齒根白以

色爲名

山藥

雍志一名薯蕷

饒陽有安平有

吳普本草云齊趙名山芋寇

云諸蘋上一字犯英宗諱下一字唐代宗諱今人遂呼山藥盡失本名今案蘇頌圖經言諸蘋秋生實於葉間如鈴則非山芋恐蘇誤韓公送文暢北遊詩云山藥煮可掘則非避唐宋諱改

地蘗

雍正志味甘

本草栝樓一名地樓廩貢張廷楨云地蘗苗高數

尺葉似紅蓼根如指大似細腰葫蘆

花椒

雍正志樹生色赤味辛

饒陽

椒

齊民要術有種椒篇

秦椒

雍正志色赤味辛

饒陽

番椒土名秦椒今案此非土名亦非番椒

文類聚引范子計然已有蜀椒秦椒之日本草有胡椒乃是番椒耳

陶云秦椒形似蜀椒而大或呼爲大椒郝云爾雅之檉大

椒卽秦椒矣

蘿蔔

雍正志列赤蘿蔔白蘿蔔並云味辛乾隆志紅白

饒陽

有安平有

爾雅葵蘆葩郭注

葩宜爲蕪蕪菁屬王云葩蕪一聲之轉草之蘆葩與蟲之

蠃蚘同名葩字不誤楊文公談苑更始敗掖庭中宮女數

百幽閉殿門內掘庭中蘆蕪根食之今蘿蔔是也今案陶

云溫菘本郭璞方言注江東名爲溫菘也蘇頌圖經河朔

蘆蕪極有大者

無味故也

藜

雍正志無

饒陽

俗名掃帚菜

齊民要術引義疏云萊藜也李時珍云

河朔人名落藜又郭爾雅注王帚似藜江東呼曰落帚說文繫傳今落帚或謂落藜初生時可食本草地膚蘇頌圖經名鴨舌草郝云皆今掃帚草也今案落帚郭云似藜饒陽志卽以藜爲掃帚菜蓋本之李時珍似非是

蓴菁

雍正志根葉類萊菔

饒陽有

蘇恭云蕪菁北人又名蓴菁根葉

及子乃是菘類劉禹錫嘉話錄諸葛亮所止令兵士獨種蓴菁三蜀江陵呼爲諸葛菜蘇頌圖經蕪菁蘆菔北土種之尤多

小蒜蘇頌圖經爾雅蒿山蒜釋曰說文云蒜葷菜也說文所謂葷菜者今大蒜蒿乃今小蒜今案郝云蒜是摠名非也王象晉羣芳譜引孫愐唐韻云張騫使西域始得大蒜初時中國止有小蒜

苦菜

雍正志無饒陽有

爾雅荼苦菜陶云疑卽是茗蘇恭云詩

誰謂荼苦葶荼如飴皆苦菜異名茗乃木類非荼流荼音遲遐反非途音今案荼字古止作茶故陶有此疑郝云陸羽箸茶經始減畫作茶苦菜有數種顏氏家訓江南別有苦菜卽爾雅之織黃蔕河北謂之龍葵此一苦菜也本草貝母一名苦菜敗醬一名苦菜廣雅游冬苦菜也顏氏家

胡蘿蔔

雍正志紫赤黃三種

饒陽有

李時珍云元時始自胡地來今

北土多蒔之苗如邪蒿不可食冬月掘根生熟皆可啖兼

果蔬之用今案嘉祐本草葫蘆巴蘇頌云番蘿蔔子

莧

雍正志無

饒陽有

安平有

本草莧實李當之云卽莧菜也蘇

頌圖經莧有六種赤莧白莧紫莧五色莧馬莧

葱

雍正志味辛葷

饒陽有

安平有

蘇頌圖經葱有數種入藥用山

葱胡葱食品用凍葱漢葱一切經音義引爾雅舊注云并

州以北多饒蒼葱廣雅蒼山葱今案筦子伐山戎出戎菽

及冬葱冬葱卽凍葱也蜀本草云漢葱冬卽葉枯

蒜

雍正志味辛葷

饒陽有

安平有

陶云今人謂葫爲大蒜謂蒜爲

雍正志

有薄荷味辛而香

武強有安平

有

饒陽

增葫蘆茄子安平并有州并入瓜類又增茴香州入藥類

安平

增蘇州入

藥類又增薤說文薤菜也爾雅薤鴻薹蘇恭云薤乃韭類有赤白二種

應增草薺

本草云生真定山谷蘇恭云葉似薯蕷蘇頌圖經云今成德軍產者根亦如山芋本草圖有成德軍草薺

菝葜

陶云與草

薺根苗并相類蘇恭云葉粗相類根不相類本草圖有成德軍菝葜

瓜之類

饒陽併入蔬類

王瓜

雍正志四月生

饒陽黃安平

同饒陽今案蘇頌圖經云胡瓜黃色謂之黃瓜陳藏器云北人為石勒諱胡改稱黃瓜杜寶拾遺錄云

隋大業四年避諱改胡瓜為黃瓜二說未知孰是

舊志以王瓜為黃瓜非也王瓜本草一

名土瓜陶云土瓜生籬院間亦有子熟時赤如彈丸月令

王瓜生謂此鄭玄云菝葜殊為謬矣今案日華本草菝葜

訓游冬葉似苦苣則游冬苦苣乃二物而李時珍云苦菜
卽苦蕒家生者爲苦苣是苦苣亦名苦菜此數者同名苦
菜若本草之苦菜則寇宗奭云卽月令小滿節後所謂苦
菜秀者北道則冬方凋斃南方則冬夏常青卽所謂菜也

生菜

雍正
志無饒陽有

嘉祐本草白苣一名生菜李時珍云白

苣苦苣蒿苣俱不可煮烹俱宜生按去汁鹽醋拌食通可
曰生菜而白苣稍美故獨得專稱今案陶云生菜中有胡
荻芸薹白苣邪蒿等則生菜不一類杜詩春日春盤細生
菜又云菜傳纖手送青絲殆卽晉書所云立春日以芹芽
蘿服爲菜盤相饋者也

南瓜

雍正志青白二種

饒陽有

李時珍云種出南番今案桐城人名

番瓜

北瓜

雍正志青白二種一曰倭瓜

饒陽有

王象晉羣芳譜云形如西瓜而

小皮色白瓢甚紅

甜瓜

饒陽有安平有

蘇頌圖經甜瓜有青白二種李

時珍云北土種蒔甚多

菜瓜

饒陽有安平有

李時珍云越瓜南人呼菜瓜

脆瓜

雍正志能止渴

絲瓜

雍正志長短二種

饒陽有安平有

李時珍云唐宋無聞今南北

皆有

一名王瓜草故鄭以注月令廣雅藤藟瓠瓠王瓜也郝云
王瓜五月開黃華華下結子如小瓜此乃月令之王瓜也
蘇頌云爾雅黃菟瓜郭云似土瓜蓋菟瓜別是一種又爾
雅菲芴亦謂之土瓜詩所謂采葑采菲也以上諸說王瓜
土瓜不一種并非黃瓜也

西瓜

雍正志青白二種一曰冰瓜

饒陽

有安平

有胡嶠

陷虜記嶠征回紇

得此種歸名曰西瓜李時珍云據此則五代始入中國

冬瓜

雍正志形類枕

饒陽

有安平

有本草

一名白瓜馬志云經霜

後皮上白如粉塗其子亦白故名齊民要術種於十月收
於十月

云字當作革過反今呼苦伽反未知所自蘇頌圖經紫茄黃茄南北通有之青水茄白茄惟北土多有

果之類

桃雍正志種類不一內有佳品乾隆志多佳品饒陽有安平有王子年拾遺記云漢

明帝時常山獻巨核桃霜下始花隆暑方熟今案吏部爵秩書涿州土產曰桃往時有桃貢道光時張杰裁之直隸之桃涿州最佳謂之蜜桃山東則出肥城者佳謂之肥桃汝綸官冀州時從兄康之官武城縣汝綸以涿州桃寄康之康之報以肥桃亦一時韻事也

梨雍正志大小不一饒陽有安平有魏文帝詔曰眞定郡梨甘若蜜

穀雨瓜

雍正志穀雨節生

葫蘆

饒陽有

安平

入蔬

陶云瓠瓢亦是瓠類

瓠

雍正志長短一種

饒陽有

安平

入蔬

詩八月斷壺傳壺瓠也又云匏

謂之瓠蘇恭云瓠與冬瓜瓠瓢苗葉相似而實形有異瓠水皆甜與甘瓠瓢噉之均勝冬瓜今案蜀本草云瓠甘者大苦者小非是魯語苦瓠不材於人共濟而已卽莊子之大瓠慮以爲樽者也不得爲小又蘇恭分瓠與瓠瓢爲二者名瓠

郝云瓠曰瓠臚亦非蜀本草引切韻云瓢瓠也陶云瓠小

者名瓠

茄

雍正志紫白一種

饒陽有

安平

入蔬

陳藏器云茄一名落蘇段成式

李

雍正志
赤色果

饒陽

有

安平

有

寇宗奭云李品甚多天下皆有

之所以比賢士大夫盛德及天下者如桃李無處不芬芳也今案魏文帝與吳質書云沈朱李李熟則赤郝蘭皋以爲廣志之赤李非也郭注爾雅赤李乃謂子赤者

柰

雍正志
味澆

饒陽

有

安平

有

杜恕篤論云日給之花似柰柰

實而日給零落虛僞與真實相似也陶云北國最多今案王伯申定正廣雅云楮榴石榴柰也柰非石榴王本未當陸機與弟雲書謂張騫使外國得安石榴司馬相如賦已言楮柰厚樸其非一物甚明埤倉云石榴柰屬玉篇云楮榴柰屬皆不謂爲卽柰今本廣雅楮榴柰也王據菝文類

脆若凌可以解煩消悞盧毓冀州論云常山好梨蘇頌云
紫花梨療心熱青城山邢道人以此進唐武宗後求之不
可得常山郡有一株緘封以進帝多食之歲久木枯不復
有種

棗

二志並云大小

饒陽

有

安平

有

何晏九州論云安平好棗

此安平今冀州

蘇頌圖經云有仲思棗者長一二寸核小北齊時仙人仲
思得之因以爲名隋大業中信都郡嘗獻數顆近世稀有

杏

雍正志種類不一

饒陽

有

江南錄云楊行密改杏爲甜梅王禎農

書北方肉杏甚佳謂之金剛拳今案爵秩書涿州土產有

杏仁

文冠

雍正志一曰無花果
乾隆志作文官果

王象晉羣芳譜云樹高丈餘皮粗多

礪柯木理甚細堪作器葉似榆而尖長實大者如拳實中
數隔間以白膜仁如馬檳榔裹以白軟皮大如指頂

牛心紅

雍正志
赤果

居人云此果大如杏多係柰樹接者常靖

璋云饒陽卽名之爲李今案羣芳譜有牛心李

杏梅

雍正志
味酢

安平

有

范成大梅譜云杏梅色淡紅實扁而

斑味全似杏

黃梅

雍正志
金色

羣芳譜梅熟則黃杜詩草堂少花今欲栽不

問綠李與黃梅范石湖梅譜至九十種

粉白

雍正志
有浮粉

聚御覽文選注增石榴二字但此三書引廣雅并云若榴石榴也亦不謂石榴卽柰愚謂當依諸書引廣雅所云若榴石榴也其柰也上仍有闕文乃柰之異名今本誤脫不得合石榴爲一

林檎

雍正志一
曰來禽

開寶本草其樹似柰其形圓如柰圖經或謂

之來禽王羲之帖云青李來禽子皆囊盛爲佳函封多不生

櫻桃

安平

有

爾雅謂之荆桃戴記謂之含桃王右丞

詩云纔是寢園春薦後非關御苑鳥銜殘杜公有野人送鶯桃詩

梨今棠梨也今案張揖司馬相如賦注亭山梨

雍正志

有香梅味香武強有

木之類

柏

雍正志木性堅緻有脂而香

饒陽有

安平有

爾雅柏榭郭注云禮記鬯

白以柎爾雅又云檜柏葉松身說文檜通作栝廣雅栝柏也爾雅翼云檜今謂之圓柏

槐

雍正志根可染黃

饒陽有

安平有

爾雅檉槐大葉而黑守宮槐晝

聶宵炕蘇頌本草注引釋曰檉槐一也大葉而黑名檉不爾則名槐槐葉晝合夜開者別名守宮槐聶合也炕張也王荆公云槐黃中懷其美故三公位之

沙果

雍正志
實繁

青果

雍正志一
名青脆

開寶本草橄欖寇云味澀良久乃甘李時珍云此果雖熟其色亦青記事珠名忠果農書名諫果

石榴

雍正志味
酸可作酒

安平

有

潘岳賦榴者天下之奇樹九州之名

果千房同膜千子如一

葡萄

雍正志赤白二種白
者尤良乾隆志赤白

饒陽

有

安平

有

蘇頌圖經云北果之

珍者其汁可釀酒史記大宛以葡萄爲酒今太原尙作此酒今案葡萄酒今外國仍盛行西人居直隸者種葡萄釀酒云不如太原佳

棠梨

雍正志無

饒陽

有

楊慎云尹伯奇采楸花以爲食楸卽山

通名楊柳北人都不干楊今案陶云柳今水楊也吾疑說
文小楊乃水楊之誤蘇恭謂水楊與柳全別蓋以蒲柳爲
水楊許陶之說不爾

杞柳

雍正志叢生
可爲栝椽

趙岐孟子注杞柳栝柳也爾雅釋文栝柳

卽櫟柳蘇頌圖經其木人以爲車轂取其細條火逼令柔
鞞屈作箱篋河朔尤多

楊

雍正志青白二種材可作器今案
崔豹古今注白楊葉短青楊葉長

饒陽有安平有

說文楊蒲柳也

蘇頌圖經蒲柳其枝勁韌可爲箭筈左傳董澤之蒲是也
今河北沙地多生此又有檉柳者一名春柳爾雅檉河柳
郭注今河旁赤莖小楊也郝云檉今滄州文安彌望如莽

桑 饒陽有安平有

說文桑蠶所食葉木齊民要術種

椹長遲不如壓枝

榆

雍正志材
中輪輿

饒陽有安平有

爾雅無姑其實夷郭注無姑姑

榆也所謂無夷郝云御覽引爾雅無姑作無枯周官壺涿氏以牡棹午貫象齒杜子春注棹讀爲枯枯榆木名是牡棹卽無姑春秋繁露無夷生於燕爾雅又云榆白枌郝云榆有赤白二種今案說文齧榆榆醬也急就篇蕪荑鹽豉醢酢醬急就之蕪荑蓋卽榆醬郝强分家榆山榆二種疑非

柳

饒陽有安平有

說文柳小楊也陳藏器云江東人

無牡荆別錄增牡荆陶疑牡荆卽小荆云牡荆子大於萹
荆子反呼小荆或以樹形爲言今案廣雅牡荆萹荆也是
萹荆卽牡荆諸家強分異同者非是本草但著萹荆與廣
雅正同別錄更收牡荆與萹荆區而爲二蓋失之矣牡荆
萹荆本一物漢郊祀志作幡竿蓋用其大者本草別小荆
於萹荆小荆則荆之小者非牡荆萹荆以子與樹別大小
也至舊說牡荆無子萹荆萹生郝引牡丹有子萹椒非萹
生爲證駁之是矣又李當之云漶疏一名牡荆

柘

雍正志材
中弓榦

安平有

齊民要術柘十五年任爲弓材亦堪作

履廿年好作犢車材柘葉飼蠶絲可作琴瑟弦勝於凡絲

椿

雍正志味香芽可茹

饒陽

有

安平

有

爾雅釋文引方志云樛樛栲漆

相似如一郝云樛卽椿

樛

雍正志材中器用

饒陽

有

唐本草椿樛二木形相似樛疏椿實爲

別蘇頌圖經椿木實而葉香可噉樛木疏而氣臭樛最無用

赤棠

雍正志材中雕鏤

安平

棠

爾雅杜赤棠郝云甘棠赤棠杜兼二

名

赤荆

饒陽

荆

別錄牡荆生河間南陽宛句山谷蘇頌

圖經云此卽作箠杖者俗名黃荆有青赤二種執文類聚引廣志云赤莖大實者名曰牡荆今案本草有萹荆小荆

應增卷柏

本草生常山山谷間陶注細葉似柏卷屈藏如雞足

立芝

本草生常山蘇恭謂本草以芝五色分五嶽爲非此或當時實

有適合方色姑存之

花之類

迎春

雍正志色黃

饒陽有

陳藏器云辛夷初發如筆北人呼爲

木筆南人呼爲迎春今案羣芳譜別有迎春花如瑞香黃

色此志所謂迎春也

探春

雍正志色白味香

金雀

雍正志赤黃

羣芳譜叢生莖褐色花生葉旁色黃旁開兩

瓣勢如飛雀

碧桃

雍正志色赤

羣芳譜王敬美云桃種最多多植園中取果

杜 饒陽有 爾雅杜甘棠郭云今之杜黎陸璣詩疏白

棠甘棠也子多酸美而滑赤棠子澀而酢木理亦赤可作

弓材

梧桐雍正志無 武強無 爾雅櫨梧郭云今梧桐又柴桐木郭云

卽梧桐郝云今人謂之青桐卽櫨梧皮白材中樂器卽柴

桐

棟雍正志無 武強無 李時珍云棟長甚速三五年卽可作椽

雍正志有松材宜棟

武強增 安平同 陶云此卽今穀樹也穀音構蘇頌圖經葉有辨曰楮無曰穀

詩爰有樹檀其下維穀陸璣疏幽州謂之穀桑或曰楮桑

以文無文無一名當歸欲忘憂則贈以丹棘丹棘一名忘憂欲蠲人之忿則贈以青裳青裳一名合驪也

薔薇

雍正志寫生而作架

本草營實一名墻微雷公云今薔薇爾雅薔

薔薔冬郝云卽今薔薇薔冬天門冬二名相亂釋文又誤爲麥門冬也

刺梅

雍正志黃色多刺

饒陽有

今案羣芳譜有花名刺藤者灌生莖

多刺葉圓細而青花重葉狀似玫瑰而大此刺梅卽刺藤

海棠

雍正志色嬌而

唐相賈耽著花譜以爲花中神仙復齋漫錄

云仁宗朝張冕學士賦海棠詩云山木瓜開千顆顆水林檎發一攢攢注大約木瓜林檎初開皆與海棠相類若冕

其可供玩者莫如碧桃

丁香

雍正志紫白一種

齊民要術云雞舌俗名丁子香寇宗奭云此

正是御史所含之香今案蘇頌圖經云惟廣州有之非也
杜公江頭五詠有丁香今燕趙并有

牡丹

雍正志昔人謂之富貴花

安平有

御覽引范子計然云牡丹出漢中

河北赤色者亦善歐陽公花品敘云錢思公小屏細字滿其上曰此是牡丹名凡九十餘種今余所經見才卅許種不知思公何從而得之多也

芍藥

雍正志色紅

崔豹古今注云牛亨問曰將別贈以芍藥何

也董子

二字據羣芳譜增

答曰芍藥一名將離故相贈亦猶相招贈之

茄揚子雲反騷衿芟茄之綠衣

玉簪

雍正志似簪可佩

饒陽

有安平

王荆公詩云瑤池仙子宴

流霞醉裏遺簪幻作花萬斛濃香山麝馥隨風吹落到君家黃山谷詩云宴罷瑤池阿母家嫩瓊飛上紫雲車玉簪墮地無人拾化作東南第一花

藥枝

雍正志色赤

石竹

雍正志本數色

饒陽

有安平

李太白詩石竹繡羅衣杜詩

麝香眠石竹羣芳譜云石竹草品纖細而青翠花有五色

鳳仙

雍正志一名海娘子

饒陽

有

羣芳譜莖有紅白二色葉長而尖

似桃柳葉故又有夾竹桃之名開花頭翅羽足俱翹然如

言江西人正謂棠梨花耳惟紫綿色者謂之海棠似木瓜
林檎者非真海棠也晏元獻云似紅如白海棠花亦與張
冕同意

石榴

雍正志朱紅色間有
白者瓣層疊不結子

已見前

玫瑰

雍正志清芬
可作餅餌

羣芳譜云灌生花葉類薔薇楊誠齋詩云

非關月季姓名同不與薔薇譜牒通接葉連枝千萬綠一
色兩色淺深紅

月季

雍正志一
名長春

饒陽有

安平有

李時珍云亦薔薇類也逐

月開放不結子

荷花

雍正志紅
白二種

爾雅荷扶渠其實蓮其根藕今案荷字古作

其花下垂一條數十朵樹高者丈許

牽牛

雍正志黑
白二種

見後藥類

葵花

雍正志俗
名望日蓮

安平

有

本草葵葉爲百菜主蘇頌圖經葵

凡數種有蜀葵爾雅所謂葍戎葵是也小花者名錦葵又有終葵吳人呼爲繁露爾雅所謂終葵繁露是也又有兔葵爾雅所謂葍菟葵是也今案終葵合二字成義非葵類鄭考工注云齊人謂椎曰終葵蘇頌誤數之又郭注爾雅云蜀葵似葵明非卽葵也嘉祐本草又有黃蜀葵寇云黃蜀葵別一種非蜀葵中黃者

扁竹

雍正志類
竹而扁

詩傳竹蕭竹本草蕭蓄陶注人亦呼爲蕭竹

鳳狀

紫蝴蝶

雍正志
色紫

李時珍云射干卽扁竹今人所種多是紫

花者呼爲紫蝴蝶

雞冠

雍正志赤
黃白三種

饒陽

有

安平

有

楊誠齋詩云陳倉金碧夜

雙斜一隻今棲紀涓家別有飛來矮人國化成玉樹後庭

花羣芳譜云矮雞冠或云卽玉樹後庭花又云解縉嘗侍

上命賦雞冠花縉曰雞冠本是胭脂染上袖中出白雞冠

縉應聲曰今日如何淺淡妝祇爲五更貪報曉至今戴得

滿頭霜

馬纓

雍正志
無

安平

有

吳青壇嶺南雜記馬纓花色赤如馬纓

言二十一
即九月黃華者也一名日精郝云說文鞠治牆也鞠日精也
也以秋華郭云秋華菊乃日精非治牆徐錯據本草以駁
郭注其說是但治牆遂不知何物

熟菊

雍正志紅白不一

芙蓉菊

雍正志黃色

羣芳譜云開就者如小木芙蓉尤穠盛者

如樓子芍藥但難培植多不能繁

柳葉菊

雍正志俗呼六月菊

今案羣芳譜有六月菊但無柳葉之目

回回菊

雍正志類熟菊而小

羣芳譜回回菊極耐霜露徑可二寸萼黃

瓣初赤紅既開則面金黃而背赤紅葉綠而黑長厚而尖

金絲菊

雍正志赤金色

羣芳譜云深黃細瓣凡五層一簇黃心甚

蘇頌云爾雅竹蕭蓄孫炎引詩棗竹猗猗今案說文作蕭
葦蕭蓄竹皆音相近水經注引詩傳作編竹編蕭字亦通
借酈又稱爲編草爾雅說文毛傳酈注皆一物也郝乃謂
陸璣所說爲水蕭葦而非爾雅之蕭蓄似是強生分別又
本草圖有冀州蕭蓄

夜合

雍正志一
名合歡

饒陽

有

嵇康養生論云合驪蠲忿萱草忘

憂蘇頌圖經云合歡夜合也陳藏器云葉至暮而合故名
合昏

菊

雍正志凡百
種諸色備

饒陽

有

安平

有

爾雅鞠治牆郭注今之秋

華菊說文繫傳云本草菊有十名不言治牆又云本草鞠

忘憂皋蘇釋勞蘇頌圖經云俗謂之鹿葱

金銀藤

雍正志
蔓生

別錄名忍冬陶云凌冬不凋故名

穿竹連

雍正志
蔓生

鹿角梅

雍正志紫
白二種

穿心梅

雍正志一
曰重樓花

木槿

雍正志一
名舜華

安平

有

詩傳舜木槿也樊光云其樹如李

其華朝生暮落

蠟梅

雍正志蠶
且名室

范石湖梅譜云蠟梅本非梅類因其與梅同

時香又相近色酷似蜜故名山谷云京洛間有一種梅類
女工撚蠟所成故以名之

小與瓣一色顏色可愛 陶云菊有二種一種莖紫氣香味甘葉可作羹食者爲真菊一種青莖而大作蒿艾氣味苦不堪食者名苦蕒非真菊也

山丹

雍正志無

安平有

孟詵云百合紅花者名山丹李時珍云

根似百合與百合迥異今案楊誠齋詩云花似鹿葱還耐久葉如芍藥不多深能盡其狀

紫荊

雍正志色紫

蘇頌云似黃荊葉小無極花深紫可愛陳藏

器云卽田氏之荊也今案田氏乃荊樹此云似黃荊則非樹也

萱草

雍正志一曰忘憂一曰宜男婦人佩之

安平有

王朗與魏太子書云萱草

山藥 安平 有 說已見前

車前子

雍正志味甘性寒多產路旁

饒陽 有 安平 有

本草云生真定平澤

邱陵阪道中爾雅芣苢馬鳥馬鳥車前陸璣云喜在牛跡
中生故名車前幽州人謂之牛舌草今案爾雅毛詩皆以
芣苢爲車前毛詩序云婦人樂有子韓詩芣苢澤瀉其序
云傷夫有惡疾余以謂韓詩是也說文芣苢實如李令人
宜子周書所說其云令人宜子義本毛詩愚意樂有子而
津津咏吟其義殊儉不如夫疾采藥反復致其憂傷於義
爲深說文繫傳韓詩芣苢木名實如李與選注所引韓詩
章句澤瀉之說不合疑別出三家詩非韓義

饒陽

增金盞蘇頌園經杏葉草一名金盞草

應增款冬花

本草生常山山谷陶云第一
出河北其形如宿蓴未舒者

藥之類

菟絲子

雍正志味甘平赤
金色寄生草上

饒陽有

郝云舊說菟絲無根不必

然今驗菟絲初亦根生及至蔓延其根漸絕因附物以生
今案菟絲無根見呂覽爾雅唐蒙女蘿女蘿菟絲郭云別
四名是唐蒙爲二物而本草以爲一物用舍人爾雅注也
詩傳女蘿菟絲松蘿也本草菟絲無女蘿之名別有松蘿
云一名女蘿是女蘿菟絲爲二物與爾雅詩傳均不合矣
普本草云菟絲一名松蘿補本草之闕矣

蒼耳子

雍正志
味苦

饒陽

有

爾雅卷耳苓耳廣雅苓耳蒼耳泉

耳也高誘云幽冀謂之檀菜陸璣云幽州人謂之爵耳今案陶云昔中國無此從外國逐羊毛中來故名羊負來說略本博物志王郝并駁之甚當淮南云位賤尙泉高誘以爲主泉耳之官王謂尙泉卽周官典泉泉謂麻泉非泉耳其說最是郝以官名尙泉傳會審官官人義頗迂曲李太白有范居士摘蒼耳詩杜公有驅豎子摘蒼耳詩

白藕豆

雍正志
性甘溫

陶云藕豆人家種之籬援其莢蒸食甚美

蘇恭云北人名鵲豆蘇頌云有黑白二種白者入藥黑者名鵲豆

牽牛

雍正志味苦性寒真生

饒陽

有安平有

陶云作藤生花子作小

房實黑色形如椽子核今案陶又云此藥始出田野人牽

牛謝藥故名乃穿鑿妄說不足據

藹麥

雍正志味苦性寒

陶云子頗似麥故名圖經云爾雅名大菊廣

雅名苾菱

茵陳

雍正志蒿類味苦微寒

廣雅作因塵御覽引吳普本草云因塵生

田中葉如藍今案廣雅因塵馬先本草茵陳在上品馬先

在中品非一物廣雅有脫誤也

薄荷

雍正志味辛溫

蘇頌圖經云字書作菝蘭古方稀用近世治

風寒爲要藥李時珍云甘泉賦作芟菹

假借非也儀禮今文作芾與古文異說若苦借爲芾許當引禮解苦字不引禮解芾字矣郝云取新生苗葉益人是也

朴消

雍正志性涼

本草一名消石朴馬志云消是本體之名石

乃堅白之號朴卽未化之義又注硝石云此卽地霜也所在山澤冬月地上有霜掃取以水淋汁後乃煎鍊而成

枸杞

雍正志味甘性溫

安平有

爾雅杞枸檮郭云今枸杞本草生

常山平澤今案本草有蘿摩子陸璣云一名芄蘭幽州人謂之雀瓢陶注雀瓢是女青掌禹錫云陶注枸杞云一名雀瓢此注又云雀瓢是女青愚謂此當是蘿摩枸杞女青

益母草

雍正志味甘一名野天麻

安平

有

詩中谷有蕘傳蕘離也陸璣

疏舊說及魏博士濟陰周元明皆云菴藺韓詩及三倉說悉云益母故曾子見益母而感本草云益母茺蔚也故劉歆曰蕘臭穢臭穢卽茺蔚也今案爾雅蕘蕘說文蕘佳也蕘佳與離并通借

紫花地丁

雍正志味苦根直如丁

安平

有

李時珍云葉似柳微細夏

開紫花結莢一名箭頭草

地黃

雍正志味甘性寒

淮南子云地黃主屬骨而甘草主生肉之藥

也本草圖有冀州地黃今案說文芡地黃也禮曰鉶芡牛薳羊芡豕薳王伯申謂古人飲食不用地黃以芡爲苦之

艾白色者爲白蒿北海人謂之旁勃

小茴香

雍正志性溫

饒陽

入蔬

安平

有

李時珍云小茴香卽蒔蘿

今案蒔蘿已見蔬類又唐本草有藿香蘇頌云北人呼爲

茴香茴藿聲近

透骨草

雍正志味甘辛

李時珍云治筋骨風溼今案透骨草見孫

氏集效方普濟方

葶麻子

雍正志味辛

饒陽

葶麻子

蘇恭云葉似大麻子而甚大其子

如牛婢李時珍云莛亦作蠅蠃牛蝨也今案葶莛通借

夏枯草

雍正志味苦辛

安平

有

蘇頌圖經三四月開花似丹參五

月枯

同名雀瓢也又枸杞一名仙人杖見陳伯玉觀玉篇序

地骨皮

雍正志性寒

安平

有

本草枸杞一名地骨陸璣疏春生

作羹茹微苦今案本草枸杞地骨實一物雍正志強分寒溫誤

蝸牛

雍正志味鹹多生溼壁上

安平

有

爾雅蚘贏蟻蚴郭云卽蝸牛又

郭山海經注僕纍蝸牛也蜀本草蛞蝓卽蝸牛王郝并云

順天呼水牛

紫蘇

雍正志味辛

爾雅蘇桂桂釋曰以其味辛類桂故一名桂

桂陶云葉下紫色而氣甚香蘇頌圖經蘇紫蘇也

乾艾

雍正志性溫平

饒陽

艾

本草艾主灸百病可作煎今案艾以

陳爲貴孟子求三年之艾又離騷注艾白蒿也陸璣疏凡

麥門冬今案此及天門冬皆因爾雅臆蘼蘼冬而得名薺
薇名蘼冬又有牛棘牛勒之目天門冬亦有顛棘顛勒之
目亦名蘼冬云天者天顛聲近也此云麥則陶說是三者
皆蘼冬故以天麥別之山海經條谷之山其草多芍藥蘼
冬不言天麥之異寇云天門冬麥門冬之類愚謂二冬并
薺薇之類也

紅藍花

雍正志
味辛温

開寶本草紅藍花一名黃藍博物志云張

騫所得今滄魏地亦種之蘇頌圖經云卽紅花也

茜根

雍正志
味苦

安平

有

陸璣詩疏茹蘆茅蒐蒨草也齊人謂

之茜徐州人謂之牛蔓今案說文以爲人血所生殆未是

蛇床子

雍正志
味苦辛

安平

有

淮南子云夫亂人者芎藭之與藁

本也蛇床之與蘼蕪也此皆相似又云蛇床似蘼蕪而不

能芳

疾藜

雍正志
無

饒陽

有

爾雅茨疾藜郭云布地蔓生細葉子有

三角刺人

蒲公英

雍正志
味甘平

饒陽

有

千金作鳧公英唐本草作蒲公英

蘇頌圖經云俗呼蒲公英寇云今地丁也

火麻仁

雍正志
味甘

本草大麻吳瑞日用本草云卽火麻寇云

張仲景麻子仁丸卽大麻子中仁也

麥冬

雍正志
味甘平

本草麥門冬一名忍冬陶云根似穢麥故謂

如蜂窠中有細子范至能言惟甘菊可食其餘黃白二花皆苦

樗根

雍正志
味苦

樗已見木類唐本草樗根治疔腫外臺秘要

用樗根濃汁一蜆殼和粟米泔治小兒疳痢

石榴

雍正志
味甘酸

已見果花二類

酸棗

雍正志
味酸平

蘇恭云此卽槭今案爾雅槭酸棗郭引孟子

養其槭棗今本棗作棘棘卽棗也水經注引圜稱云豫章以樹氏郡酸棗以棘名邦是棘棗同字之證

白花

雍正志
味苦辛

桑白皮

雍正志
無

饒陽

有

安平

有

蘇頌圖經桑根白皮不可用

胡茄

雍正志
味辛

蒲黃

雍正志
味甘平

陶云此卽蒲釐花上黃粉也蘇恭云卽香蒲

花蘇頌圖經蒲釐周禮以爲菹

括萇仁

雍正志無

安平

瓜萇

爾雅果羸之實栝樓

天花粉

雍正志無

安平

有

李時珍云栝樓根作粉潔白如雪故

名

青黛

雍正志
味鹹寒

開寶本草云從奔斯國來李時珍云是外國

藍靛花今案此卽以土產之藍靛爲青黛

菊花

雍正志
味甘

陶云眞菊與苦蕒葉正相似惟以甘苦別之

吳瑞云花大而香者爲甘菊李時珍云甘菊其花細碎蕊

圓重重相疊又一種如薑石者時人多指爲井泉石非是
蘇頌圖經井泉石生溪州城西廿里劇家村今案深州見
本草者止此一物大觀本草井泉石注新定二字序例云
凡藥有今世已嘗用而諸書未見無所辨證者則從太醫
眾論參議別立爲條曰新定雍正時賦役書有貢額乾隆
志無則已裁貢也

雍正志

有金鳳花味微苦胡葵味辛溫

安平

增蘇麻紅藍芝麻青藍之屬爲雜類

今案蘇卽本草之苧字一作黃圖經云

北人種以糲布及打繩索餘并分見各類

應增凝水石

本草生常山山谷又中水縣及邯鄲陶云中水屬河間郡

鹵鹹

本草下品蘇恭云是鹵土也今人熟皮用之於鹵地

出土者

荳草

雍正志味鹹微寒多生水旁

武强

水草

別錄荳草蘇頌注卽水紅也圖

經云爾雅紅龍古其大者歸詩隰有游龍是也

瓦松

雍正志無饒陽有

唐本草昨葉何草生屋上如蓬初生高

尺餘遠望如松栽一名瓦松

馬蘭

雍正志搗膏治小兒痞

陳藏器云生澤旁如澤蘭氣臭北人呼爲

紫菊

井泉石

雍正志舊出塔下村今不出貢額猶存見賦後書

本草圖有溪州井泉石掌禹錫

云近道處處有之以出饒陽郡者爲勝生田野間地中穿地深丈餘得之形如土色圓方長短大小不等內實而外

知時也莊子云雞有五德

鷺

饒陽

有安平

爾雅舒鳧鷺舒鳧鷺今案舒者舍

之借字舍鳧舍鳧即家鳧家鳧也郝云謂之舒者以其行步舒遲望文生訓失之遠矣家野實亦通名莊子山木命豎子殺鳧此謂鷺爲鳧王勃滕王閣記落霞孤鷺此謂鳧爲鷺也

鴨

雍正志家鷺也

饒陽

有安平

尸子野鴨爲鳧家鴨爲鷺今案

廣雅鴨字作鳧

鶉鴒

雍正志性好羣飛

饒陽

鴒

安平

有

孟詵食療本草鴒一名鶉鴒

本草新補云白鴒鴒類也今案張九齡以鴒傳書謂之飛

掘取食鹽 別錄中品李時珍云海豐涇州引水入池晒成
井州河北所出者鹽也刮取鹹土煎鍊而成
卷柏 本草生常山山谷石間
虎

掌 本草圖有冀州虎掌圖經云冀州人菜園中種之亦呼為天南星
狗脊 本草生常山山川谷
小薊 本草圖有冀州小薊根圖經云俗名

青刺心中出花頭如紅藍花
兩青紫色北人呼為千針草
續斷 本草生常山山谷唐本注根如大薊圖經云花如大薊引范汪方云續斷即是馬薊大於小薊

紫苑 本草一名紫菀生真定邯鄲
葶藶 本草圖有成德軍葶藶圖經云葶藶生冀城平澤河北州郡皆有之本草注云實葉皆似芥

漆 本草圖有冀州澤漆圖經云大戟苗也本草大戟生常山
草薺 本草生真定山谷
五味 陶云出青州冀州者過酸
雞頭 方

北燕謂之葎高誘
云幽州謂之鴈頭
薺 幽州人謂之烏眼
菲 幽州人謂之芴
薤 幽州謂之羊蹄
薤 幽州謂之旨萃
若 幽州人謂之翹

饒 一名蘿摩幽州人謂之雀鵝
梟 幽州人謂之椎
棣 北方呼之相思也自蔽
草蒿 以下八種并陸璣草木疏

蜀本圖經北
人呼為青蒿
菝葜 郝云順天人呼回回菝葜

羽之類

雞 雍正志
德禽
饒陽 有
安平 有
今案詩風雨如晦雞鳴不已言

紫燕

雍正志一曰社鳥

饒陽

燕

安平

有

說文燕玄鳥也陶云燕有兩

種紫胃輕小者是越燕斑黑而聲大者是胡燕今案紫燕

謂紫胃者

喜鵲

饒陽

鵲

安平

有

郝云西京雜記陸賈曰乾鵲噪

而行人至今人則通呼喜鵲今案廣雅鴝鵒也鄭大射注引淮南子曰鴝鵒知來知來行人至等說皆無稽自漢已然

褐爵

饒陽

雀

安平

有

別錄一名瓦雀今案古謂之黃

雀莊辛所稱公子挾彈規黃雀者是也涇州稱爲褐雀者以其羽毛斑褐也

奴近歐美人遠行多用鴿寄書

班鳩

雍正志居有定偶

安平

鳩

爾雅鷓鴣鴝左傳䟽引舍人說鷓

鴝今之班鳩也陸璣䟽鳴鳩班鳩也

烏鴉

雍正志反哺鳥

饒陽

鳥

安平

有

詩小弁傳譽卑居卑居雅烏

也說文烏孝鳥也小爾雅云純黑而反哺者謂之慈烏小而腹下白不反哺者謂之雅烏白項而羣飛者謂之燕烏掌禹錫云慈鴉似烏而小多羣飛作鴉鴉聲北方極多謂之寒鴉

黃鸝

雍正志即倉庚

安平

有

陸璣䟽黃鳥黃鸝留也幽州人謂之

黃鶯

鷓二鳥本非同類故公食大夫以鷓鷩并列內則鷓鷩與鷩鷩異名王云散文則通高誘淮南注鷓鷩也今案楊文公談苑言人有得鷓於水次者半為鷓半為蛙列子蛙聲為鷓張湛注事見墨子寇宗奭非之云鷓有雌雄從卵生何言化也嘗於野田屢得其卵寇說是也今西人言物各有種安能彼此相化譏吾月令所言多失實也

鷩鷩

雍正志無

安平

有

爾雅鷩春鉏禽經名鷩鷩

鷩鷩

雍正志無

安平

鷩鷩李時珍云鷩鷩俗作鷩鷩乃秃鷩之別名非鷩鷩

爾雅鷩鷩郭云即鷩

鷩也杜臺卿淮賦鷩鷩吐雛於八九圖經此鳥胎生從口中吐雛如兔子類寇云嘗官澧州公宇後大木有三四十

啄木

雍正志無

安平

有

爾雅鴛斲木淮南子云斲木愈齟

鷓鴣

雍正志二鳥俱

猛鷺善搏擊

爾雅晨風鷓鴣郭云鷓屬陸璣疏云鷓

似鷓今案晉書崔洪傳云洪清厲骨鯁為尚書左丞時人

為之語曰叢生荆棘來自博陵在為鷓在北為鷹亦此

州故事也

鸛爵

雍正志高脚鳥性嗜食蛇

廣雅作翟雀陸璣疏鸛雀似鴻而大樹上

作巢陶云鸛有兩種似鷓而巢樹者為白鸛黑者曲頸為

烏鸛

鷓鴣

雍正志戰禽

饒陽

鷓

安平

有

夏小正傳鴛鷓也呂覽注鴛

鷓也周雒謂之鴛幽州謂之鷓郝云鷓鷓俱鷓之別體鷓

貪鳥賈劉蔡皆漢能文之士其讀詩視他經生爲深矣詩
言鴟鴞鴟鴞既取我子毋毀我室云者託小鳥呼告鴟鴞
之詞重言鴟鴞有恨聲焉此豈小鳥自呼己名之文哉

雍正志

有大鵬翎中箭羽饒陽有又有野雉饒陽亦有郝云士輦雉以其體備文明

性秉耿介也

饒陽

增雁安平有寇云雁爲禮幣一取其信一取其和也

安平

增鷹李時珍云北人

多取雛養之

應增鴟鴞

陸璣疏雖今小鳩也幽州人或謂之鴟鴞案鴟鴞字倒方言廣雅均作鴟鴞

布穀

爾雅鴟鴞郭云今布穀郝云今德滄

之間謂之保姑

鴟鴞

陸疏幽州人謂之鴟

毛之類

職方并州畜宜五擾鄭云馬牛羊犬豕

巢日夕觀之有卵殼布地豈得吐雛口中是全未考尋聽人之誤言也今案寇說是口中吐生皆中國不明物理之怪說韓公大儒毛穎傳亦循俗言之雖戲謔要爲失實也

鴟鴞

雍正志畫
伏夜飛

爾雅鴟鴞鴞陸璣疏鴟鴞幽州人謂之鴞

鳩郝云韓毛諸家並以鴟鴞爲小鳥郭云鴟類失之今案郝說非是毛同爾雅無大小之說其說鴟鴞詩云甯亾二子不可以毀我周室者當矣其上言無能毀我室者攻堅之故也與下文義不屬愚嘗謂毛傳蓋有後人羸入之說此類是也王伯申引賈誼賦鴟梟翱翔蔡邕賦鴞鳩軒翥皆與郭義正同郝引劉向九歎鴟鴞集於木蘭王逸以爲

至南方則骨力勞損陶云羊以青色羖羊爲勝次則烏羊其餘羝羴羊及虜中無角羊止可啖食爲藥不及都下者山羊卽爾雅羴羊李時珍云山羊有二種一種大角盤環肉至百觔一種角細者說文謂之羴羊音桓羊生江南者爲吳羊頭身相等生秦晉者爲夏羊頭小身大土人二歲而剪其毛以爲氊謂之綿羊

犬

雍正志守犬
獵犬矮犬

饒陽

有安平

說文引孔子曰視犬之字如

畫狗也爾雅釋文引字林云狗家獸也周禮䟽犬有三種一田犬二吠犬三食犬

狐

紫狸

雍正志狐善爲妖魅多疑死
則首邱紫狸草獸皮可禦寒

安平

狐

陶云江東無狐皆

馬 雍正志肝能殺人 饒陽 有安平有 別錄馬出雲中韓退之云冀北

馬多天下

牛 雍正志耕畜 饒陽 有安平有 說文牛大牲也

驢 雍正志大耳畜 饒陽 有安平有 玉篇似馬長耳

騾 雍正志馬類 饒陽 有安平有 今案上林賦馱馱驢羸廣雅馱

馱在馬屬則驢羸當同為馬屬也

豬 饒陽 有安平有 爾雅豕子豬方言豬北燕朝鮮之

間謂之豨

羊 饒陽 有安平有 說文董子曰羊祥也故吉禮用之

別錄殺羊生河西孟詵云河西羊最佳河東羊亦好若驅

燕朝鮮之間謂之貉關西謂之狸狸貓互受通稱

鼠

饒陽

有

說文鼠穴蟲之摠名淮南子云魚食巴豆

而死鼠食巴豆而肥

黃鼠

說文鼪如鼠赤黃而大食鼠者菽文類聚引廣志

云黃鼠善走郝云今俗通呼黃鼠狼順天人呼黃鼪

鼪鼠

雍正志地
中行鼠

爾雅鼪鼠郭注地中行者陶云鼪鼠一名鼪

鼠圖經鼪鼠似牛而鼠首大者千斤出滄州郝云潛行地

中起土如耕方言謂之鼪鼠今案爾雅鼪鼠與陶說鼪鼠

疑非一物

獾

雍正志一
名野豕

說文獾野豕也方言獾關西謂之獾淮南修務

出北方及益州形似狸而黃寇云狸文有二一如連錢一
如虎文今案狐狸本二物名鑿別錄狸在中品狐在下品
禮君衣狐白裘杜詩白狐跳梁黃狐立陶止言黃殊未備
郝云家爲貓野爲狸狸卽野貓

兔 饒陽有安平有 說文兔謾訑善逃

蝟 雍正志徧體穴
刺豈伏夜出 饒陽有安平有 史記龜策傳蝟辱於鵠集

解引郭氏云蝟能制虎見鵠仰地本草陶注蝟能跳入虎
耳而見鵠便自仰腹受啄

貓 雍正志
捕畜 饒陽有安平有 禮郊特牲迎貓爲其食田鼠也

廣雅貔狸貓也今案爾雅貔白狐非貔貅之貔方言貔北

鮓今案鮓卽鯽見陸佃埤雅

鮓

雍正志云處泥中

爾雅鮓鮓郭云今泥鮓字林云鮓似鯽短小也

鮓

雍正志黃質黑章

安平

有

韓保昇曰鯽魚生泥窟中似鯽鱣而細

長亦似蛇而無鱗有青黃二色今案鯽字亦作鯽曹子建有鯽鯽篇

鮓

安平

有

郭爾雅注江東呼鮓魚爲鯽陸璣疏鮓魚

廣而薄肥恬而少力細鱗魚之美者遼東梁水鮓尤美於中國鮓故其鄉語曰居就糧梁水鮓是也今案說文鮓赤尾魚郝據詩傳魚勞則尾赤謂許定以赤尾爲非愚考李時珍言有火燒鯽有赤鬣連尾黑質赤章李蓋得之目驗

云獾貉爲曲穴蘇頌圖經云獾與獾貉三種而大氏相類

郭注爾雅獾一名獾乃是一物然方書說其形差別也

魚之類

饒陽無今案州境水族皆生虜池水中饒陽志無魚類則始修志時虜池不入縣境故也

鯉

雍正志味美

安平

有

陶云鯉最爲魚中之主陳藏器云無大

小皆卅六鱗

鮎

雍正志身滑無鱗

蘇頌圖經鮎亦名鰕詩魚麗于留鰕鰕傳鰕鮎

也蜀本圖經云有三種口腹俱大者名鰕背青而口小者名鮎口小背黃腹白名鮎鮎名河豚今案河豚此州無有李時珍說鮎似鱒惟鼻短爾不言是河豚也

鯽

雍正志體促脊隆

安平

有

廣雅鱮鮒也郝云鮒今之鯽魚說文作

別有雪質黑章的爍若漆曰玳瑁魚文采尤可觀惟杭人能餌畜之今案古人稱錦鱗皆是鯉魚李太白詩漢口雙魚白錦鱗杜牧之詩錦鱗書未傳皆用雙鯉傳書事也此志所列則今之金鯽魚

蝦蟇

雍正志無

安平

有

說文鼃蝦蟇也蟆蝦蟆也急就篇水蟲

科斗蠅蝦蟇顏注蠅一名蠖蝸色青小形而長股蝦蟇一

名螿大腹而短腳本草蝦蟆別錄一名蟾蜍蘇頌圖經云

爾雅鼃蠃蟾諸郭注云似蝦蟇居陸地是非一物明矣郝

云書大傳濟中詹諸鄭注詹諸鼃鼃也大傳所說是鼃鼃

在水中者爾雅所言則詹諸居陸地本不同物古多通名

許云赤尾謂此種不必據毛傳爲說郝氏譏之過矣

鰕 開寶本草昔有仙人劉憑常食石桂魚桂鰕同音當

卽此魚今案張志和詩桃花流水鰕魚肥鰕魚入詩始此

鰕

雍正志鰕屬一名黑魚

今案古有鰕鰕魚集韻引博雅鰕鰕也王

云諸書無以鰕鮐爲鮐者據玉篇鰕鰕鰕也定正廣雅但集韻又引廣雅鮐鮐也之文則鰕鰕鮐之皆爲鮐似亦未宜擅改其下言鮐鮐爲鮐他書亦少見鮐上河字集韻有之亦不宜徑刪郭注上林賦鮐鮐也增辨于此

錦鱗

雍正志一名五色魚有朱紅杏黃虎皮粉白黑五種俱三尾金脊尻文人以缸畜于書舍

程史今中都有豢魚

者能變魚作金色貴游多鑿石爲池寘之簷牖間供玩又

今案蔡云讀爾雅不熟者爾雅蝓蝓小者蝓郭注兩說一云螺屬一云卽螿蝓似蟹而小古今注螿蝓小蟹也螿蝓可食螿蝓不可食蔡蓋以螿蝓爲螿蝓也

蛤蜊

雍正志蚌屬

高誘淮南注蛤黎海蚌也明汪機本草會編

云蛤蜊白殼紫唇大二三寸閩浙人以其肉充海錯亦作爲醬醃

安平

增龜易或益之十朋之龜虞翻注謂神靈攝質文益山澤水火之龜也廣韻引

書云武王悅箕子之對錫十朋今案虞注十龜見爾雅又增鱓字書無鱓字蓋卽鱓

也廣雅鱓鱓也陸璣疏鱓幽州人謂之鴉鷄王云今通呼鱓子也今案鱓古字鱓今字

廣雅鱓鱓一文疑誤倒

今案陶注本草蝦蟇云此是腹大皮上多痂磊者與顏說大腹短腳爲蝦蟆者正同皆所云陸居之蟾蜍也今以蝦蟆爲蛙而蟾蜍之爲蝦蟇其名反隱於是急就篇繩蝦蟇并舉於詞爲複而漢書五行志武帝元鼎五年蛙與蝦蟇羣鬪之語爲不可解矣

鼈 說文甲蟲也鄭注梓人云外骨龜屬內骨鼈屬

螃蟹

雍正庚
臨二螯

大戴記勸學篇云蟹二螯八足非蛇鮓之穴

而無所寄託者用心躁也鄭注梓人云仄行蟹屬陶云蟹類甚多又有螿蟥似螿蝟而大似蟹而小不可食蔡謨初渡江不識螿蟥啖之幾死歎曰讀爾雅不熟爲學者所誤

年而後中國蠶利殆必全無甚哉格物之學不可不汲汲求也羣芳譜云桑木將稿蠶食必病然則欲除蠶病又當於養桑時求之

蜂

安平

有

說文蠶飛蟲螫人者方言蜂燕趙之間謂

之蠓螋

蝶

安平

有

說文蛺蝶也王云蝶與蝶同今案莊子

云昔者莊周夢爲胡蝶胡蝶之名甚古不必強解李時珍云俗謂鬚爲胡者非是

蟬

安平

有

淮南子云蟬無口而鳴卅日而死說文蟬

以旁鳴者陶云蟬類甚多蟪蛄寒蟬噓毋蛸螻蛄范陳藏

蟲之類

雍正志無
饒陽無

蠶

安平

有

荀子蠶賦三俯三起事乃大已別錄有原

蠶蛾陶云是重養者蘇頌圖經北方不堪復養惡其損桑
周禮禁原蠶淮南子曰原蠶一歲再登非不利也然王法
禁之者爲其殘桑也今案吾國絲利往時獨行五洲近年
外國蠶桑大興繰絲織絲皆用機器吾國但用人功又不
自整理利入日微蠶又多病蠶病始於蠶子子之病者必
有微細黑點人目不能察視應用加六百倍之顯微鏡遍
察蠶子乃可一覽瞭然遇有黑點之子則剔除不用蠶病
由此可除否則病蠶益多其不病之蠶亦且傳染而病數

云又名蠍虎今案安平志有蜥蜴無守宮者是也爾雅蝮
蝮蜥蜴蜥蜴蝮蝮守宮也據此則守宮蜥蜴本一物
東方言是非宮守卽蜥蜴者乃是射定此物而故通其
二名猶云非東方生卽朔耳

蛇 安平

有

陶云草間不甚見虺蝮蛇多是赤蝮黃領

輩李時珍云赤蝮紅黑節節相間黃領黃黑相間大者近
文皆不甚毒今案本草諸蛇多出南方北土少見陶云蝮
與虺同蘇恭云蝮一名虺無二種愚謂傳云爲虺不摧爲
蛇將奈何蛇謂蝮也小時名虺長大則爲蝮故爾雅名之
蝮虺北史高道穆云復用元顥乃養虺成蛇是其證也王

器云禮注范蜂也陶誤郝云蟬今順天謂之螂螻爾雅之蜚順天人呼咨咨螻蛄今東齊人謂之都盧

蟋蟀

安平

有

爾雅蟋蟀蜚郭注今促織也亦名青蛩

陸璣疏幽州人謂之趨織今案莊子螂蛆甘帶高誘淮南注螂且蟋蟀爾雅謂之蜻蛚大腹也上蛇蛇不敢動據高斯言蜻蛚殆是爾雅正文今本作注文蓋有奪誤

螳螂 莊子螳螂怒其臂以當車軼不知不勝任也韓詩外傳云此爲天下勇蟲矣

守宮

方言守宮北燕謂之祝蜒

蜥蜴

安平

有

本草石龍子一名守宮一名蜥蜴蘇恭

有主簿以竹筒盛蠍過江後遂有之稱爲主簿蟲非其實矣

蜘蛛 安平 有 方言鼃螯趙魏之郊謂之鼃鼃或謂之

蠃蚹北燕朝鮮洌水之間謂之蟬蝓

蜚蠊 安平 有 莊子蛄蜺之智在於轉丸爾雅蛄蜺蜺

蝨

應省 守官蜥蜴應省其一

應補 蚰蜒 淮南秦族云昌羊去蚤蝨而人弗席者爲其來蚰窮也御覽引高誘注蚰窮幽冀謂之蜻蜺入耳之蟲也方言蚰蜒或謂之入耳趙魏之

間謂之蚰蚘北燕謂之 馬 虻 方言北燕謂之蛆蝶司馬彪莊子注商鉅北燕謂之

蚰蚘是蚰窮卽蚰蜒 負蝨 詩箋草蟲鳴晚秋之節陸璣疏草蟲一名 冬蝨 陸璣疏幽

名各不同要其地有此蟲也

負蝨郝云順天人謂之聒聒聒音如哥

冬蝨州人謂之

荆公字說蝮觸之則復其害人也人亦復之故謂之蝮郭璞云蝮蛇惟南方有之然田榮云蝮蛇螫手則斬手螫足則斬足田榮齊人必中原有蝮乃傳此語不僅南方有也

蚯蚓

安平

有

廣雅蚯蚓蜿蟺也王云蚯蚓轉爲胸臆

十三州志胸臆其地下濕多胸臆蟲因以名焉

蜻蜓

安平

有

方言蜻蜓謂之唧蛉郭云六足四翼蟲

也郝云大而青者順天人呼爲馬郎

蝙蝠

安平

有

方言蝙蝠北燕謂之蠟蠹

蠍

安平

有

陸璣疏蠍幽州謂之蠍今案韓公北歸詩

照壁喜見蠍南中元和時尚無蠍也酉陽雜俎云開元初

南多有之春二三月下種至秋結實熟時皮四裂中綻出如棉以鐵鋌碾去其核以竹爲小弓牽絃以彈棉令勻細卷爲筒就車紡之抽緒如縑絲狀織以爲布羣芳譜引解醒語云至元間馬八兒國入貢廿二年遣使至其國得吉貝衣十襲李時珍云木棉有草木二種交廣木棉似木之木棉也江淮所種似草之木棉也草種出南番宋末始入江南今則徧及中州利被天下王象晉云江花出楚絨廿而得五北花出畿輔山東絨廿而得四浙花絨廿而得七又一種紫花絨廿而得四或曰北地風高細紡不易今肅甯之布幾同松江中品聞其鄉多穿地窖溪數尺作屋其

春
箕莎雞

陸疏幽州人謂之蒲
錯郝云今之跋踏蟲

蚍蜉

方言燕謂之蛾蚋郝云
今順天人呼爲馬螳

蟪蛄

陸疏幽州人
謂之親客

王蛛蟬

郭云卽螳蟬今
河北人呼蛛蟬
王云順天人
謂之拉古

貨之類

安平布
帛類

棉花

雍正志白
紫二種

饒陽有

張勃吳錄交州永昌木棉樹高過屋

實大如盃花中棉軟白可爲縕絮及毛布梁書中天竺國

天監初獻吉貝丹丹國中大通二年獻吉貝婆利國普通

三年獻吉貝其國人披吉貝如屐及爲都縵又干陁利國

出斑布吉貝南史林邑諸國出吉貝花中如鷲毳抽其緒

紡爲布又高昌國有草實如繭中絲爲細縷名曰白疊以

爲帛甚軟白通鑑梁武帝木棉阜帳史炤釋文云木棉江

之王象晉羣芳譜實則涿冀諸州郡盡然不僅肅甯也羣芳譜又云松布桿彈紡織綜綫挈花法皆始於黃媪棉花圖小序云昔傳元時有黃道婆者自崖州至松江爲織具教人多巧異所製遂甲他方今松婁間祀之花神祠祈棉之庶也畿輔涿冀諸州布利甚饒紡織皆女工近來外國布來盡奪吾國布利間有織者其紗仍購之外國故利入益微

繭絲

雍正黃
白三色

說文繭蠶衣也今秦州西境接於東鹿出絲

往時州人程西疇用買鹽起語人云州西諸村歲買鹽三百包以醃繭蘆鹽每包重百六十觔卽絲利可知矣

上簷高地二尺許作牕通日人居其中就溼地紡績便得
緊細與南土無異海南所織上出細字襪花松布之巧者
有折枝團鳳碁局等製今案張文昌詩蜀客南行過碧溪
木棉花發錦江西是唐時蜀中已有木棉李時珍謂宋末
始入江南者殆考之未審也

棉布

雍正志紡
棉爲之

饒陽布

安平

有

方敏恪棉花圖序云南織有

納文縐積之巧畿輔人弗重也惟以縝密勻細爲貴方志
稱肅甯人家穿地窖就長檐爲牕以織布埒松之中品今
如保定正定冀趙深定諸郡邑所出布多精好何止中品
亦不皆作自窖中也今案方志稱肅甯穿窖織作其說本

言二十一
所稱之繭紬非是州舊志及安平皆有紬但不如饒陽佳
耳今獨饒陽有之聞止數家能織頗祕其法不傳織難而
價貴今外國用機器織紬價直極廉恐饒陽紬利殆絕息
也

帨

饒陽有

廣雅帨巾也今案饒陽織帶亦與巾帨同貨

被囊

武強

無饒陽有

玉篇駝馬上連囊也今案史記

貨殖傳蒼布皮革千石小顏云蒼布麤厚之布故與皮革
同量蒼者重厚之皃古時以麻紵葛爲布無木棉今布皆
木棉爲之而饒陽獨能爲麤厚之布行於塞外爲帳幕之
用蓋若史所稱之蒼布矣衣被滕囊皆此麤厚之布爲之

絲絹

雍正志織絲爲之

安平

絹

說文絹繒如麥稍周官內司服注云

素紗者今之白縛也王懷祖云今世有沙穀者名出於此縛與絹同御覽引何晏九州論云清河縑總房子好絲魏都賦絲纈房子縑總清河廣雅總絹也今案魏晉時清河出絹今則安平專擅絹利安平之絹但任篩底釋名所謂絲緇厚而䟽者也近年外國頗喜用之其利漸廣

紬

以下四事雍正志無

饒陽

佳

安平

有

說文大絲繒也鹽鐵論云繭紬

縑練者昏姻之嘉飾也今案此繭乃纏之假字廣雅蠶紬也類篇繭或作繭作蠶玉篇纏粗細經緯不同者字亦作繭繭繭蠶纏纏得通借也繭與紬爲二物郝以爲卽今俗

水膠

雍正志
皮熬成

陶云膠有三種清而薄者畫家用清而厚者

名覆盆膠入藥用濁而黑者不入藥但可膠物耳外台祕
要用水膠一片水漬與當頭開孔貼腫毒蘇頌云方家所
用黃明膠多是牛皮本經阿膠亦用牛皮但今牛皮膠制
作不精止以膠物耳鹿角膠本經謂之白膠處處能作但
鮮有真者李時珍云黃明膠卽水膠牛皮所作甄權以黃
明膠爲鹿角白膠誤矣今案別錄言阿膠煮牛皮作之至
蘇頌乃有烏驢皮得阿井水煎成乃佳之語今阿膠必用
烏驢不復用牛皮則徇蘇頌之說改古法也牛皮膠爲水
膠用以膠物處處有也

也

葦箔

饒陽有

廣韻箔簾也通作薄禮帷薄之外不趨

葦箔以葦爲簾也今案史記周勃世家以織薄曲爲生索
隱云織蠶薄也小顏引許慎云葦薄爲曲也彼云葦薄卽
此葦箔矣

蜂蜜

雍正志首
花釀成

陳藏器云蜜有木中作者有土中作者北方

地燥多在土中南方地濕多在木中

黃蠟

雍正志
卽蜜房

蘇頌圖經蠟蜜脾底也寇云黃則蠟陳白則

新饒陽副貢常埶璋云寇說非蠟從紅蜜出者爲黃蠟從
白蜜出者爲白蠟白者良

燒酒

雍正志赤棗赤梁醞釀而成

饒陽

酒

李時珍云燒酒非古法元時始

創今案本草綱目載諸酒無棗酒余嘗至安平民家飲棗

酒甚清冽

菊酒

雍正志九月釀

李時珍云用甘菊花煎汁同麴米釀酒

豆醬

雍正志鹽豆釀成

饒陽

醬

陶云醬多以豆作純麥者少

米醋

雍正志酒糟合米釀成

陶云俗呼苦酒

焰硝

雍正志藥所需

本草綱目引崔昉外丹本草云硝石非石類

乃鹹鹵煎成今呼焰硝此與朴硝小異今案本草分朴消

消石李時珍謂朴消爲皮消消石爲焰消

朴硝

雍正志鹹土入水所生

已見藥類李時珍云凡牛馬諸皮需此治

定雍正志舊惟大小藍槐藍葉似槐近年始傳其種
靛今案雍正志一仍康熙舊志所云近年乃康熙時

陶云藍實卽今染

縹碧所用者以尖葉者爲勝鄭樵通志藍三種蓼藍染綠
大藍如芥染碧槐藍如槐染青三藍皆可作澱色勝母故
曰青出於藍而青於藍李時珍云澱石殿也其滓澄殿在
下也亦作淀俗作靛澱乃藍與石灰作成王象晉云藍染
草也大藍葉如蒿苳而肥厚微白小藍莖赤葉綠而小槐
藍葉如槐葉皆可作靛

紅花

雍正志
染色

已見前藥類紅藍花崔豹古今注燕支中國

人謂之紅藍

火鹽

雍正志土
汁煎成

榨油油之滓可糞田

烟葉

雍正志前此未有
國朝始傳其種

李肱枕蚓菴璣語烟葉出自閩中關外

人至以馬匹易烟崇禎癸未下禁令民私種烟草者問徒
尋令犯者斬不久遂停是禁子兒時尙不識烟爲何物崇
禎末三尺童子莫不嗜之風俗頓改王阮亭分甘餘話韓
慕廬宗伯嗜烟余考姚旅露書烟草產呂宋本名淡巴菝
以告宗伯宗伯乃命其門人賦淡巴菝歌今案劉才甫云
烟草來自外國明萬曆時始有

飴餠

雍正志麥蘗
熬煎而成

陶云方家用飴餠乃膠飴皆是溼餠如厚

蜜者

熟故俗有皮硝之稱

脂麻油

雍正志
味香

饒陽油

陶云生窄者良若蒸炒者止可供

食及然燈不入藥用寇云炒熟乘熱壓出油謂之生油但可點照須再煎鍊乃爲熟油始可食然不中點照亦一異也

菜油

雍正志
宜烹飪

李時珍云蠶臺服虔通俗文謂之胡菜卽今

油菜爲其子可榨油也油菜微似白菜冬春採臺以爲茹三月開小黃花結莢收子亦如芥子灰赤色炒過榨油黃色然燈甚明食之不及脂麻油近人因有油利種者亦廣棉油羣芳譜云木棉結實如桃桃裂而絨見子如珠可

二觔下麻卅六觔李孝廉吉林云青麻今謂字麻可爲繩
索有力白麻今謂蒞麻無力但中爲錢縉耳然則青麻爲
上麻白麻爲下麻也

茜草

雍正志
染絳

已見藥類茜根

雍正志

有麻油云與棉油皆用膏車兼備然燭今案此卽青麻子所壓油也

應增花生

說見
前序

昔之人觀方物息耗知一時政俗史公貨殖孟堅地志皆
是也方二三百里地畫爲四城官號令不相通流民罕出
鄉井風教旣異水土百物又多寡參錯則習尙殊焉溪州
田畜事蠶兼果布之利無甚貧甚富之民民椎魯畏法不

菘豆粉

雍正志豆菘
澄清取之

李時珍云菘豆北人用之甚廣磨爲麩

澄濾取粉可以作餅蒸餠盪皮壓索爲食中要物

白麻

雍正志
卽棘麻

饒陽麻

藥性論麻花白麻是也青麻淋湯濯

淤血蘇頌云麻子處處種之績其皮以爲布農家擇其子
之有斑黑文者謂之雌麻種之則結子繁他子則不然也
李時珍云苧麻今之白麻也多生卑溼處人亦種之葉大
似桐北人取皮作麻

青麻

雍正志有子曰梟無
子曰苴其實一種

羣芳譜大麻一名火麻一名好麻雄

者名牡麻雌者名苴麻苧麻其皮績之可爲布其稽可爲
燭心其子炒黑可壓油今案晉令曰上黨平陽輸上麻廿

城坊田氏韓氏繼興皆安坐里閭而塞外東三省內外蒙古持一紙書數千里齎銀幣來取布銀幣陸行輻湊於北鄙尹村尹村雖在郊野其殷阜十倍城郭量其富小範不及也俗襍齊趙民輕俠喜田獵其黠者稍狙詐趣利安平故以絹利著聞絹行歐美矣近則外國遠商入市馬尾牛豬毛毛物四面至而縣城要其衝商賈人以毛絹故不窮農田被虜它卅餘年故家多敗而弓氏以儉約世守家法家以不失故民俗樸易怒好鬪然畏官官在他邑不能其職到安平輒得賢吏聲凡州及三縣風尙大較如此若乃市井情游不事生產丈夫相隨博飲歲時徵優伶歌舞聚

事商賈頗詣窳無積聚獨南郭李氏以農田起富守其法數世不敗俗尙耕牧馬牛驢羸以時市易而磨頭爲一都會其羸入月計抵冀之一州歲計焉武強地瘠人貧物力稍絀民往往畫古今人物刻板襍印五色紙入市鬻售悅婦孺其事至鄙淺然頗行遠遠至山西太原而小範潁淦水北賈天津南達邢磁洺綰穀津要賀氏居近小範頗收其委輸以此富蓋一縣俗好文飾邑小官不足於財號難治其納賦紳輕民重州所產無遠物獨饒陽以荅布安平以絹皆行一二千里二縣以此多賈而饒陽特著往往用賈起富千名常氏其選也常氏稍衰而張岡劉氏官廳李氏

考證之學以耳目見聞爲事而不復致力於文辭下州僻縣漸劇餘烈不能其見聞之長而適得其不文之短此不獨一方然也而涇州特甚汝綸初爲州時獨武強賀氏聚書書多宋元舊本自餘閭一州數百里求一廿四史不能得其樸陋如此近則饒陽常氏頗蓄書有力之家亦皆購經史皮几上駸駸嚮儒術矣而武強賀刑部濤篤學嗜古不慕聲利遂以能古文成名於世後進響轅聞風慕效爲文章皆有師法而安平閻檢討志廉亦有能詩聲此皆百年以來所未嘗有文者天地之精華也昔班氏條郡國風俗於蜀獨紀司馬相如王褒嚴遵揚雄之徒於吳楚獨紀

會娛樂婦人惑溺輪迴果報徧入寺觀禮佛求福田則州縣同弊焉凡風俗推遷時升時降類非農工商賈所能爲也轉移之任必歸之文儒儒道盛則蒸蒸日上新儒衰則不及其故州舊志稱明成弘以前俗厚善後而寢薄饒陽安平皆云自萬厯始壞此儒道盛衰之辨也近輯明以來金石見州境自明世鼎興逮國朝雍乾之際名人代出文

學甚盛乾隆以降百餘年間人文乃不及前時論者每謂舉業敗壞人才明興至今五百餘年盡舉業世宙也何前後懸絕至如此間獨以謂雍乾以前才儁之士尙能博極羣書以資益其文近百年來士知舉業不足爲遂相從爲

儀久廢

今案此尙是明禮 國朝并不加帽愚管謂今人父母生日上壽觴客未必遜於古人冠子之禮此不可以榮古虐今之見論也議者多謂上

壽非古而譏之似未

達觀於古今之變也

昏 締親多在孩提時完娶則自十五以上至廿聘禮

納幣豐約稱家奠鴈以鷺或雞代前期女家送粧奩陳

於壻室娶之日兩家婚友送蒸食以饌女

今案州俗締昏往往男女大兒不相

稱良由阿母多欲蚤得子婦以自助而

男女不相得弊由此起宜有以變革之

喪 初喪時懸紙錢於門有棺卽殯大斂小斂惟紳士

家舉行成服不計日便卽服之衰絰多不如禮惟戒葷

酒飲粥寢苦塊葬無定期大要數月而葬不甚拘堪輿

家說

今案饒陽志頗病喪戲以爲陋風今州屬喪戲漸少惟出殯奢靡耗損家產大半有欲節約者村人輒劫持之以爲不孝此誠惡習

屈原宋玉唐勒旁逮鄒枚以來爲楚詞諸公蓋文士勃興則山川煥發顓蒙啟而文明開非特倡導一州縣風氣已也世變日甚儒之業未可以一國囿今歐美新學深微要眇兵農工賈無一不出于學校日本得之而強中國尙闕焉閔達之士有能拏討名物深造方外專門之業乎不獨儒道盛也將見農學日新工賈益精進土物四馳市易流轉五洲貨殖皆可交通會萃而操其贏縮何一州一縣之足云是又數百萬橫目之民所翹足而待命者矣

增錄舊志四禮及節序事儀

四禮據雍正志其節序事儀據安平志附注雍正州志

冠士民家自十五六至廿餘歲擇日加帽其醮宴諸

四月八日 浴佛 五月五日 名端 食角黍飲菖蒲

雄黃酒貼門符懸艾絲縷繫臂 歲時記端午以艾為虎形或剪絲為虎黏艾葉戴之以解毒氣

六月六日 曬衣儲水嘗醬 七月七夕 婦女陳瓜

果乞巧 安平志無依雍正志補 雍正志引歲時記云有蟾子網於瓜果上則以為得巧又引開元遺事宮人陳瓜果酒饌祈於牛女以蜘蛛納小金

盒中至晚開視蛛絲疏密以為得巧之多寡 十五日 名中 祀先懸麻穀 取麻穀供於門亦祭墓

八月十五日 名中 供瓜餅拜月 又於月下備穀核齋飲 九月九日 名重

登高泛萸釀菊酒 用棗合麩蒸糕謂之花糕 十月一日 名下 祭墓燒

寒衣 用紙剪衣焚化謂之送寒衣 冬至 暖爐出獵 士夫亦有交賀者 十二月八

日 食臘八粥 是日以諸米豆稊果核作粥名臘八粥亦間有施粥濟貧者 廿三日 掃舍

祀竈 備錫饌焚香楮祀竈 除夕 易門神桃符修歲事陳祭儀守歲

祭 士民多無祠堂歲時伏臘或設主或懸畫象具牲

醴果穀祭拜

正旦日 祀神祀先畢賀尊長戚里更相拜數日乃已 立春

日 觀迎春貼宜春字茹春餅四時寶鏡云唐立春日春餅生菜號春盤今猶其遺俗

元宵名上元節 張燈放花稱觴歡飲夜不為禁 十六日 男婦郊

遊散百病焚香縷結羊腸卜一歲休咎遊寺廟是日母氏迎女歸寧 廿五日 填倉以甗灰圍團形中撒五穀

以磚石壓之曰填倉 下旬士入學農試耕 二月二日 引龍以灰圍宅謂之

引龍云辟百蟲是日具鯉魚饋新嫁之女 春分 釀酒拌醋 三月三日 挈榼

郊遊謂之踏青 寒食 掃墓架鞦韆放紙鳶 清明

插柳祈蠶今案安平志云上聖姑廟乃安平事他處無 穀雨 禁蠍書禁蠍符黏壁上以辟毒螫

是日行嫁娶禮百無忌併汛掃室懸葫蘆麻肋於門燒辟瘟丹山海經云海中有
巨山山有桃木下有二神曰神荼鬱壘今之門神乃其遺像又神異經西方山中有
異人犯之卽病人以竹赴火中灼灼有聲則驚
避今人以紙裹硝黃代之故亦名爲爆竹云

麻

人魯燿齋亭張天孫敬宗訓諉選諸生齊以禮王敘宦跡雖鄉人亦加刺譏則名
秀五山齊一變魯導奈元岳道成翟復儒襄助五公鉅卿之直筆不佞何敢望焉
齋杜誥龍田王一諸生張崇閏月三易稿成書三書四卷一載而成時知縣王訥
介金峯見雍正志德王三汲卷綱十有五目百有李順葺教諭顧桐訓導李榮李
事紀及魯燿傳張學載張十六與修者主簿田士元諸生李化李汝弼高才李
張蜚英稱劉志其五倫于時有恒教諭皇甫慎初擊龍王嘉佐同修廿三年知
事約核其文典雅躍周鳴鳳訓導劉之江王心諸縣何鑿字敬軒用鄉先生崔玉

生苑一元田野翟復吾說以治河除商鹽二事續入
初田畛路陞志中玉吾崔璵字也時教諭李
文鳳訓導李懋賢劉禮諸生張
奇勛傅一登李化李攀龍同修

饒陽

國朝順治

三年知縣劉世祚延都察院檢校田敬宗舉人符應琦編纂書二卷再旬而成序云
聖朝初建直指桑公念畿南數郡前朝數罹兵災今聖天子龍飛皇叔父攝政
王百度肇舉明季三餉加派一切都捐分滿洲兵士屯種近郊兵民襍處數年以後民
不復知有養兵之害其間幅員不無少移賦額不無少更下令各修志乘同修者訓
導王美舉人翟文鳳翟中鳳張自發諸生張光龍王瑾與勘校者教諭張抱璞訓導
蘇就大典史焦世榜諸生符應魁程雲梯王拓疆王闌耿朗符應瑋路嗣錡邊維京

敘錄

涇州風土記第二十二

涇州

成化

康熙志張蜚英後敘云涇之有志自前明成化間始但事出草創敘次舛駁不足徵信蜚英字名儒諸生纂康熙志者其稱成化志未言何人所撰

安平

嘉廿九年知縣沈同人創修王三餘謂其並無一圖

武強

隆翰林院編修縣人歐陽暎纂知縣錢博學刻之

涇州

武強

饒陽

安平

萬

六年知州劉應民卅一年知廿九年山東夏津縣十六年吏科都給事中縣人王延州人定陶知縣縣關錄纂教諭縣人石經世遷三餘纂其敘例云舊志元有褒陰濡纂修志乘濡同修者教陝西商州學正過家貶今仍之善善從長惡惡從短字陸源同修者舉詞奚文嵩知縣翟耀以修志相關吾鄉王端溪志開州不惟直

涇州

饒陽

乾隆

廿一年知州尹侃纂州自雍正二年已廢十四年知縣單作哲纂自敘云移書學博為直隸州至侃修志始合武強饒陽安平張君正賢樊君巒簡邑士尹德備等廣為三屬縣勒為一書書未脫稿以遷去後知事羅每循行勸課時發斷碑訪野老考證州鄒雲城始付刻州人仍稱尹志以書舊事歲時鑿輅巡方供役并除車塵馬尹囊鄒不得擅名也其書大體精核往年李起韓孝廉為余訪得一本近歲失去編求之州人藏書家竟不可復得

志廿錄五傳十二紀三單志義例馴雅文少事備方志善本後王子音王蘭廣各續所為碑數篇於後而不能繼為縣志

涇州

武強

道光

七年知州張範東延福建道監察御史樂十年知縣瞿慎行命弟慎典編次八閱月亭李廣滋編纂三月成書乾隆志已合三成書十二卷目九十二序云體裁悉依尹縣範東又去三縣獨載州事其序謂徐志州志張縣志為宗然其書頗蕪陋在事者後百餘年未修意且屏乾隆尹志不稱數教諭梁遵誥訓導劉相舉人張勁翹程印也怪哉在事者學正韓玉麟訓導董式謨升賈鋤疇諸生張令圖賀式曾郭子亮康諸生潘輔仁李源濬徐青選

文釗

溪州

武彊

安平

康

廿年張蜚英受其師諸生呂燦公州志纂六年知縣李道光修廿六年知縣陳宗本又十年始克成書卅六年知州李天培是訓導吳渠舉人賈振石魁教諭周之翰正而刻傳之書八卷目卅有一附見者有一 遂編輯與修者諸生訓導黃瀚舉人駱其凡例有云物產舊無箋釋風俗亦無引據周文英辛經卅辛日 闕然武韓崔甲默今爲箋釋引據以質博物君子蜚英後敘云新 卅三年御史張諸生李樹傾崔甲劉志後清輿有續志二冊康熙廿年奉 敕星法績名曰新志釗同修凡例有云修八府志時止就原續二編謄錄上呈又數書四卷目八子目五舊志職官人物每 年余始得其藁本釐正損益之閱數年藁始 十一序云取舊志刪多刺譏茲則隱惡脫據此序則舊志云受其師呂閣公藁本者補而櫟括之事增文揚善書十卷一載 非其實也 與修者學正李龍光介蕃訓導省知縣洗國幹刻之卒事後又稍稍補 楊九鼎甸莽判官陳有謙位存諸生實際昌道光修志時舊志盡 奪至卅一年止 呂維坤賓嗣昌張翠趙子宸郭闕符李世祚 凸惟張御史新志在

熙

溪州

雍

十年知州徐綬編輯其敘例云舊志敘次詳明今依類續編不妄加刪改其書今 尙有存者大氏一仍康熙志之舊間有考證亦頗精審惟是時三縣已來屬修志 不兼三縣是其失也 學正周鏞訓導方正志諸生馮鎬石焜茹正王正元同校 勛

正

域第一

常山東迤散爲鴻原大河故瀆在焉後沙唐滋前阻漳濱
中有虞它決徙爲患簞河渠第二

河奔而去民田其土襍植果隋強半瀉鹵取之有制民用
不擾 國朝定法多襲明故簞賦役第三

尊事素王立學其傍轡被聖文開我顛蒙學失道散以愚
長亂庠祀雖嚴序塾雖殷自同獠蠻異學之不如儒乎儒
乎簞學校第四

恆瀛東西其地四戰五胡暨唐割裂畔換有明家旣陳夾
虜它後隸近郊出竊之憂 大清隆平偃革休兵粵盜剽

右明以來州縣修志年表

昔韓退之不肯作史區區用才于一州一縣蒐討故實窮年恒歲則豪傑有志之士慮皆擯弃而不爲深州自明以來志乘少可因襲州中故人曩以修志誣諉既不獲讓則爲之摺摭前載網羅放失庶幾辨章乎文獻傳信乎一方牽於宦學人事之擾婁作婁輟迄于今茲補葺於亂離之餘乃克成書凡卅九萬餘言都廿二篇篇大者析爲數卷窮日力於此良可惜已顧吾文不足行遠焉敢謬附於昔人

周秦到今地制不常名號數更域分不區人文曷條纂置

李張並轡聯鑣與崔抗行明清作者蓋不逮古一卷之成
未忍割舍有錄無書不可選數先士精爽儻式憑此纂菝
文第九

故城廢亭津渡鎮堡考古攸資甄錄示後村墟宅墓憑弔
之處魏齊寺觀閱歲踰千名勝遺留有裨觀游纂古蹟第
十

典籍散亾證之碑刻鄉曲時有六朝舊蹟近代掌故踰時
而湮佚在貞珉或補方聞纂金石第十一

安平之崔古之箸姓漢唐千載系久愈盛表其枝別讀史
者資焉爰及庶氏并逮時賢開茲譜學以餉州人纂人譜

輕殲我忠良流寇再謹墨守以完維廿六載畿甸亂起
乘輿蒙塵顛覆四海黔黎喁喁司牧伊主不慎召戎慎退
疆虜篡兵事第五

前世分職後多變革考錄官簿人亦增著篡歷代官制第
六

明及昭代官吏差備譜其年月不知蓋闕篡明以來職官
表第七

吏賢能者祀名宦祠未祀而有績孰軒輊之並列名宦爲
後之規篡名宦第八

著作之才代不多有漢晉諸崔蔚爲選首洎乎隋唐孫魏

第十六

賢人位高于民曠遼吏于郡邑惠虐立効出宦蹟著可祭
于社篡吏績第十七

孝爲天經中庸鮮能秉彝之好鄉縣熟稱推仁滂逮任卹
是宏篡孝義第十八

詩畫一執耳成名則艱厲公聲高勝蹟斯留篡流厲第十
九

門內治失婦不染學天挺清淑乃鍾賢孝緣夫及子垂聲
在史貞信之節皚若霜雪身輕義重激爲英烈篡列女第
廿

第十二

州在前明代有聞者尙侍卿貳先後踵武我朝寢微幽潛
弗耀百年顯宦劉張暨趙埶箸科第盛衰有考纂薦紳表
第十三

榮顯於時出入有立考覽遺績光于篇笈纂名臣第十四
士有文采川澤爲輝百樸一秀孤英在枝斂英入實乃荷
道德皓首一經亦云有得西學東來始明季晚襍揉造化
蒜數焉本土不一流州盡有之纂文學第十五

燕趙慷慨高上節挾明季義死僵尸鱗接我皇威遠臣
力師武爪士濯征歸柴囘下咸同再駭毒我閭里纂武節

川原莽蒼怪麗非寶磅礴鬱結泄爲殷阜物土之宜爰居爰有篳物產第廿一

維涿州旣升爲直隸三縣來屬與州而四自漢元到今餘二千歲遺聞故事散在諸史傳記文物富聲明備厥有佚墜間見於金石文字旣綴緝而條次之矣獨有書無圖覽者病諸異時天蒜宗工海甯李公薦其弟子方柏氏熊私聘不可白之臺帥移書同文以使事來爲州測繪刻以再期主人憤眊三月而罷後遂莫能圖惜哉惜哉謹譜明以來州縣修志諸君姓名年世考其終始因論列今所纂目次爲涿州風土記敘錄第廿二

之蹟有志以紀其本末始終而廢置沿革減益復表箸其
由然時日使後人得覽不至差互不明而誤於所出此自
載籍以來厯數千百年之久未嘗一有也今乃於是書剏
見之獨惜其止傳載一方不獲舉天下之大使之衡從而
下上卽是書藁本亦幾埋沒淹滯蕭落不克蚤出視世此
豈真如韓退之論史官有所謂天人者若或厄之物各有
時未至其時力爭不可既至其時有不期然而然者矣璋
達與吳先生初不相知奉調來溪以先生嘗官斯土也從
之問政到官延接州士因得是書藁本慇懃付刻而璋達
案牘之暇猶及見生平未見之書然則是書之遇有時而

後序一

是書爲桐城吳先生舊時所論箸璋達來守溪求得其本
集州之薦紳父老謀劖劘之而書成已久事與時積宜有
增益會吳先生方都講蓮池書院乃集貲置局蓮池而延
州人張廷楨溯周武強賀嘉栢墨儕安平弓汝恆子貞先
嘗與於脩志之役者採取近年事蹟諸未經先所論箸者
輯綴比增續請吳先生整齊削定成一家之言遂付手民
傳之久遠系曰邑乘於目錄家屬史作史以表志爲要自
司馬子長勑爲其體十表八書科分條敘後之史官尙有
能爲不能爲焉至一觀諸要節授貫注舉一切典章法制

曰未也始議采金石至元而止先生謂明以來石刻五百年人文所繫命州人續採頃始集錄將請要刪先生又言書以風土記爲名不可無物產將考論舊志所列而未暇以爲今可以此留也余曰善未幾海外羣國會兵入犯

京師不守 兩宮蒙塵亂勢益劇余於是與弓君謀取保

定所刻板以來而館先生於盈億倉倉前政錢君所建顯顯廠余自是日從先生縱橫論議憂曠時艱間有規畫輒就諮訪先生亦爲之盡私以爲至幸也而是時 京師及

天津保定皆敵兵所分據中國方持和節有構景廓於法將者法將遽自保定以兵來攻上官爲罷余以說不可及止

璋達是來也亦可謂不虛已光緒廿六年正月無錫朱璋
達撰

後序二

今年春景邴將赴官涑州安平副貢弓子貞汝恆涑州歲
貢張溯周廷楨舉人李薪珊吉林過余於保定詢之則開
雕州志志蓮池院長吳摯甫先生所屬藁余因三君遂獲
交於先生顧恩恩別去不暇問州志事也到官未久畿輔
大亂彈壓百端不遑安息六月杪先生避地來州州人以
四鄰紛擾滋甚幸此州少安堵強留先生傳客之不可則
以卒成州志爲解弓君來告余余曰州志不已竣乎弓君

丁憂去官眾以志書請固辭不爲逾年州人以所採志料遣使走三千里送先生家以採訪不備未諾也已而續丁內艱北來入李傅相幕府是時前按察使朱公靖旬方爲此州遺士之賢有文者至天津就先生爲之於是幕府文書暇輒爲屬草藁每一草藁出州士寶蓄之逾年又南歸營葬至光緒六年復出州士則又之天津相從是年攝天津知府明年補冀州州士一隨置局再逾年朱公遷知保定局始中輟輟十年至熊君壽錢來任始又遣州士就蓮池續纂之已而又輟去年朱君璋達至則集州士議開雕蓋謀之卅年其間從事纂述者三四年耳雖開雕猶有未

兵且夕且至余疾馳到獻縣見所識法士謀止兵余去代者未來先生日聚州人吏籌待敵之策眾稍稍定會州人有習天主教者日潘鳳臺夜入法軍見法將說止之法將竟歛兵臨境不入徑去州以無事鳳臺之說止法兵也蓋多爲余釋讒先生則告人日曹某爲政能卻堅敵余聞益內慙不可以言而是時明以來金石及物產皆已脫藁付刻矣獨初所撰兵事至平定張總愚而止至是又以今茲之亂增益之遂頗改易前文毀板更刻凡今年開雕州志及補綴脩改始末具如此蓋州人謀修志至是卅年矣始先生爲此州奉檄脩志爲採訪條例示州人州人善之及

張映樞也光緒廿有六年冬十一月房縣曹景廓謹跋

竟及今茲卒就之於兵火流離 宮廟震蕩之日至是州人始
願乃大慰而故時在事諸君多已物故不及見此書之卒簡
而景廓與後來諸生乃適觀其成功夫庸非幸與弓君張
君皆始終在事而弓君之力尤多初至天津隨先生者弓
君外則武強賀鍊君明經錫珊鍊君卒其羣從墨儕孝廉
嘉柟繼之自餘採訪編校者錦州教授康靜山依仁諸生
王調元家範今年與勘校者諸生武合之錫珏康亨菴思
恒郭子餘增慶饒陽副貢常稷生埈璋其始主持是議者
鄉先生舉人李起韓善振薪珊之從祖濟南同知李箸元
九彰福建福鼎知縣康蔗田林桂而提調則前判官平定

張映樞也光緒廿有六年冬十一月房縣曹景廡謹跋